

本草彙言

本草彙言卷之三

倪朱謨純字甫選集男倪沐龍冲之氏藏稿

錢塘

沈瑄西璵甫校正

草部 芳草類

廣木香。味苦辛。氣溫燥。氣味俱厚。可升可降。陰中陽也。入手太陰。陽明足太陰厥陰經諸經氣分藥。

李時珍先生曰。木香草類也。出天竺及崑崙南番諸國。今惟廣州舶上來。廣州一種。類木香。藤似是非。藤鬼。海州一種。是馬兜鈴根。市肆以此相混。不可不愼也。三洞珠囊云。五香者。木香也。一株五根。一莖五枝。一枝五葉。葉間五節。故名五香。燒之上徹九天也。根形如枯骨。而味苦辛。粘牙者為良。凡修事入聖氣藥。只生用。不可見火。欲實大腸藥。麩裏煨熟用。○一說云。其香是蘆薈根。條左盤旋。采得一月。方硬如朽骨。其有蘆頭丁蓋子。色青者。是木香神也。

○木香能升降諸氣。乃三焦氣分之藥也。蓋諸氣臞鬱屬於肺。故上焦氣滯用之者。乃金鬱則泄之也。中氣不運。屬於脾。故中焦氣滯用之者。乃脾胃得芳香則行也。肝氣鬱則爲痛。大腸氣鬱則爲後重。膀胱氣鬱不化則爲癃淋。故下焦氣滯用之者。乃塞者通之也。所以類證方治氣閉不利而兩脇作痛。或寒冷積滯而胃脘作疼。或痢疾腹痛而後重赤白。或陰疝弦氣而攻引小腹。是皆太陰厥陰之證也。用木香治之最效。本草言治氣之總藥。和胃氣。通心氣。降肺氣。疏肝氣。快脾氣。暖腎氣。消積氣。溫寒氣。順逆氣。達表氣。通裏氣。管統一身上下內外諸氣。獨推其功。然性味香燥而猛。如肺虛有熱者。血枯

脈燥者陰虛火上衝者。心胃痛屬火者。元氣虛脫者。諸病有伏熱者。慎勿輕犯。

繆仲淳先生曰。木香稟木火之陽。具土大之精。清明鬪發行藥之神。

盧子繇先生曰。木香。香草也。名木者。當入肝。故色香氣味。各具角木用。亦入脾。故根枝節葉。亦各具宮土數。入脾則奪土鬱。入肝則達木鬱。經云。木鬱則達之。土鬱則奪之。奪土。卽所以達木。達木。卽所以奪土。土以木爲用。木以土爲基也。凡上而霧露清邪。中而水穀寒痰。下而水濕淤留。爲痛。爲脹。爲結。爲滯。之證。無不宣通。一涉燥熱。務宜斟量。

○廣濟方治女人一切血氣刺心痛不可忍用木香牽牛三稜莪朮一服即定加雷丸苦練根并殺一切蟲積○治赤白疾痢用木香川黃連白芍藥惟身熱唇紅口渴者勿用○治一切氣脈不通不順及冷氣攻痛作泄大怒後氣逆胸膈脹滿兩脇作痛用木香陳皮砂仁白豆仁紫蘇葉防風○治中氣不省人事閉目不語如中風狀用廣木香爲末冬瓜子煎湯灌下二錢有痰盛者加竹瀝薑汁○治耳卒聾閉用廣木香一兩枸杞子三兩共爲末每食後服二錢白湯調服○治一切下痢不拘男婦小兒用木香一兩川黃連一兩二味用水一升同煎乾去黃連將木香焙乾爲末每用三錢分作三服第

服陳皮湯。

○治風

下。用木香。二錢。分爲丸。每早服三錢。好酒下。○治

札定。煮極爛。連藥共搗爲丸。每早服三錢。好酒下。○治

惡蛇虺傷。用廣木香二錢。煎服立效。○治腹下濕臭。用

廣木香爲末。不時搽之。自乾。○治思慮傷心脾。精神短

乏。面黃肌瘦。飲食不甘。等證。用木香。人參。白朮。黃耆。當

歸。茯苓。棗仁。遠志。肉。龍眼肉。各一錢。水煎服。名歸脾湯。

高元鼎先生曰。按木香。圖經謂生永昌。又云廣州舶上

來。又云生大秦國。又云產崑崙。則所出地土各異。是名

同而實異。可知已。藥性論云。當以崑崙來者爲勝。此絕

不可得。又云西胡來者劣。今市肆所有。止白木香也。其

不可得。又云西胡來者劣。今市肆所有。止白木香也。其

味辛。其氣溫。專主諸氣不順。求其能辟疫毒。殺鬼精。抑物。恐或未然也。肺虛有熱者。慎勿犯之。傷寒類要所載。治天行熱病。若發赤豆斑。用青木香。水煮服者。蓋指崑崙來者一種。定非坊間所市。廣州舶上來。世所常用之。

白木香也。

今之馬兜鈴之根。亦名清木香。非是。

○治婦人血瘀。血滯。血脹。血痛。或疝瘕。或癥癖。舉發不常。

者用廣木香。小茴香。乳香。肉桂。玄胡索。香附。桃仁。砂仁。各一兩。牛膝。二兩。當歸。三兩。川芎。一兩。五錢。白朮。四兩。俱用酒拌炒過。研爲末。煉蜜丸。梧子大。每服五錢。空心白湯下。

白荳蔻。味辛。氣溫無毒。味薄氣厚。輕清而升。陽也。浮也。

手太陰經。

○陳氏曰。白荳蔻。出伽古羅國。今廣州宜州亦有之。及番舶來者佳。其草本似芭蕉。葉似杜若。長八九尺。澤而厚。冬夏不凋。開花淺黃色。結子作朶。如葡萄。初微青。熟則變白。其殼白厚。其仁如縮砂。密也。七八月。之入藥去皮炒用。

○白荳蔻。溫中開胃。消食下氣之藥也。凡冷氣哮喘。痰

無時。或宿食停中。嘔吐腹脹。或瘴瘧寒熱。久發不休。

中酒中氣。眩暈煩悶。或暴發赤眼。翳脈遮睛。諸證皆

肺二藏之氣。寒鬱不和之故也。用白荳仁。辛溫開達。能

行能運。能消能磨。流行三焦。榮衛一轉。諸證自平。凡

喘嗽嘔吐。不因於寒。而因於火者。瘧疾不因於瘴邪。而

因於陰陽兩虛者。自中赤脈白翳。不因於暴病寒風而
因於久眼血虛血熱者。皆不可犯。又如火升作嘔。因熱
腹痛。法咸忌之。

繆仲淳先生曰。白荳蔻。感秋燥之令。而得地火金之氣。
故其味大辛。性大溫。宜其入主手太陰。足陽明也。其治
積冷吐逆。因寒反胃。煖能化物。故主消穀。溫能通行。以
主下氣。義皇言之詳矣。東垣用以散肺中逆氣。寬膈進
食。去白睛翳膜。亦散滯之功也。

盧子繇先生曰。脾胃之受盛米穀。以成醞釀。若肺中之
靡爛有形也。其所以成醞釀者。藉腎間動氣。曰先天。又
若肺底之灼然薪炭耳。更藉肺氣。吸呼曰後天。又若肺

底薪炭。輪機動扇。乃得灼然薪炭耳。白者肺色。潔白以成休德也。豆曰腎穀。受盛臍肉之腑。器也。味大辛。氣大熱。寧非火然泉達之機乎。

○廣濟方。治^東哮喘逆不拘冷熱。用白豆蔻。麻黃。杏仁。桑

白皮。甘草。○治^同宿食不消。中滿嘔逆。用白豆蔻。紅麴砂

仁。枳實。白朮。○治^同瘴癘寒熱嘔吐。胃弱飲食不進。用白

豆蔻。人參。白朮。陳皮。半夏。厚樸。生薑。○治^張中酒嘔逆惡

心。用白豆蔻。陳皮。乾葛。木瓜。砂仁。○治^張中氣厥逆眩暈

卒倒。用白豆蔻。人參。黃耆。木香。半夏。烏藥。○治^東眼目赤

障。用白豆蔻。桑皮。柴胡。生地。連翹。荆芥。○治脾虛白睛

生翳障。用白豆蔻。白朮。白蒺藜。決明子。甘菊花。密蒙花。

木賊草○治胃虛反胃及因寒嘔吐用白豆蔻人參生

薑陳皮藿香白朮○治婦人一切氣逆不和用豆蔻藿

香烏藥陳皮木香○治人忽惡心多嚼白豆蔻立止○

治小兒胃寒吐乳用白豆蔻砂仁各十四顆炙甘草二

錢共爲細末常摻入兒口中○治脾虛反胃用白豆蔻

砂仁各二兩丁香一兩陳白米一升好淨黃土拌炒焦

去土細研薑汁和丸每二三錢薑湯下

香附子。味苦辛甘。氣溫。瀋。無毒。入足厥陰。亦入手太陰經。能行十二經。入脈氣分。可升可降。陽中之陰。氣厚於味。血中之氣藥也。

李時珍先生曰。別錄莎草。不別根苗。後世僅用其根。名香附子。併不知莎草名矣。生田野下濕地。所在都有。惟龍西洛都兩浙最饒。又廣東高州者。獨勝。苗似草蘭而柔。又似細查而勁。葉心有脊。似劍。又似菖蒲。吉祥草輩光澤亦同。嫩綠蕭疎。可以爲笠。及雨衣。疎而不沾。五六月中抽一莖。三稜中空。莖端復出數葉。開青色花。成穗似桑中有細子。似葶藶。車前子狀。根多白鬚。鬚下另結子。二枚轉相延生。外裹細黑茸毛。大者似羊棗。兩頭尖。耐水旱。雖分劈亦不死。采時燎去毛。暴乾用。凡用法以童子小便浸炒。或以酒醋薑水浸炒。諸法各隨証用。之。又和稻草煮之。味不苦。

○香附。開氣鬱。調血滯之藥也。善主心腹攻痛。積聚鬱結。痞滿。癥瘕。筋漏。淋血。乃血中氣藥。爲婦科之仙珍也。雖

應病多方。妙在製法。得其所宜。故古方有鹽醋酒便四
○法之製。各因其所用也。如心腹攻痛。積聚痞塊。堅實而
不消者。宜用鹽製。鹽之味鹹。鹹能潤下。鹹能軟堅也。若
胎前產後。崩漏淋帶。污濁而不清者。宜用醋製。醋之味
酸而辛。酸可以斂新血。辛可以推陳物也。若跌撲損傷。
或腫毒未潰。瘀血死血留滯而不散者。宜用酒製。酒之
性溫而善行。溫能通血脈。行能逐留滯也。至如便製之
法。童便。陰之質也。陽之用也。味鹹而降。若血虛之證。或
兼氣有所鬱。以致血脈衰少。夜熱骨蒸者。非便不能養
其血。非附不能行其氣也。東垣又謂治一切氣。肝脹脇
氣。腹痛。腎氣。膀胱冷氣。陰疝。弦氣。世醫專以治婦人崩。

漏帶下。月經不調者。皆降氣調氣散結理滯之所致也。益血不自行。隨氣而行。氣逆而鬱。則血亦凝澀。氣順。則血亦從之。而和暢。此女人崩漏帶下。月事不調之病。所以咸需之耳。然須輔之以益血涼血之藥。氣虛者兼入補氣藥。乃可奏功也。若陰虛血燥火盛。真氣衰微。乾咳咯血。及血熱經水先期者。法當用滋陰潤養之藥。悞用香附。病必轉甚。然損氣是香附之常道也。如本草稱爲充皮毛。長鬚眉。久服令人益氣。總屬行氣開導散鬱結有餘之氣。而使之和平。則氣自益也。

李氏綱目發明曰。古方不言治崩漏。而時方用治崩漏。大有奇功。是行氣而又能止血也。能逐瘀血。是又推陳

也。古方不言補虛。而時方言益。老人者何也。蓋行中有補也。蓋天之所以爲天者。健運不息。所以生生無窮。香附之氣平而不寒。香而能達。利而不損。其味辛能散。苦能降。甘能和。週身經絡無所不到。生則上行胸膈。外達皮膚。熟則下走肝腎。外徹腰足。炒黑則止血。酒浸炒則行經絡。醋浸炒則疎肝氣。薑汁浸炒則化痰飲。童便浸炒則入血分而補虛。鹽水浸炒則入血分而潤燥。得參朮則補氣。得歸地則補血。得木香則疏滯和中。得檀香則理氣醒脾。得沉香則升降諸氣。得茯苓則交濟心腎。得芎藭蒼朮則總散諸鬱。得梔子黃連則降火清熱。得茴香骨脂則引氣歸元。得厚樸半夏則決壅消脹。得紫

蘇葱白則解散表邪。得三稜莪朮則消磨積塊。得艾葉則治血氣煖子宮。乃氣病之總司。女科之主帥也。諸書皆云益氣。而俗有耗氣之說。宜女人不宜男子者謬矣。蓋婦人以血用事。氣行則無疾。老人精枯血閉。惟氣是資。小兒氣日充。則形乃日固。凡病多屬氣滯而餒。故香附於氣分爲君藥。臣以參耆佐以甘草。治虛怯甚速也。經驗方有交感丹。凡人中年精耗神衰。蓋由心血少。火不下降。腎氣憊。水不上升。致心腎隔絕。榮衛不和。上則多驚。中則寒痞。下則虛冷遺精。庸醫徒知峻補下田。非惟不能滋陰。反見衰悴。但服此方半年。謝去一切煖藥。屏絕嗜欲。其效不可殫述。韓氏方。治百病。黃鶴丹。治婦

人。青囊丸隨宜用引輒效。黃鶴丹用香附一觔。黃連半觔。洗晒爲末。水糊丸。如外感。葱薑湯下。內傷。米湯下。氣病。木香湯下。血病。當歸湯下。痰病。白湯下。青囊丸用香附一觔。略炒。烏藥五兩。略炮。爲末。水醋煮麴糊丸。如頭痛。茶下。痰氣。薑湯下。多宜酒下爲妙。此皆行氣而益氣。行血而生血也。又氣血聞香卽行。聞臭卽逆。凡癰疽瘡瘍。皆因氣滯血凝所致。宜服香附。引氣通血。進食寬中。大有效也。

盧不遠先生曰。胸爲肺金之部分。氣爲肺金之所司。皮毛爲肺金之所主。香附子功能解表利水。所以泄金之鬱。解表而利小便也。用合衆香。能發諸香氣。是以性專

裨闔開發上焦。宣五穀味。熏膚充身。澤毛若霧。露之漑中焦。亦得藉之以宣化。下焦亦得藉之以宣瀆。而爲諸藥之先聘通使。

張卿子先生曰。按韓氏方。稱香附於氣分爲君。藥統領諸藥。隨用得宜。爲婦人氣病要劑。然性燥而苦。獨用多用。久用。反能耗氣損血。其所主治。調氣和血。皆取其治標。非治本也。如懼燥烈。以童便酒煮可也。

○聖惠方。治心腹攻痛。用香附子一觔。烏藥八兩。甘草一兩。俱酒洗炒。磨爲末。每服二錢。○治積聚癥瘕。用香附子一觔。鹽水浸炒。莪朮四兩。酒浸炒。共爲末。每服二錢。○治血崩淋漏不止。用香附一觔。童便浸透炒。炒時不

住手洒童便。火勿猛。炒一晝日爲度。以木耳五兩紙包裹。以新瓦兩片夾定。繩縛泥固。火煨存性。覺烟起良久。急去火置冷地上。候冷取出。同香附研極細如麩。每用七八分。淡醋湯調空心服。○治一切氣病能升降諸氣。凡病壅塞。噫氣吞酸。痞脹喘滿。痰逆嘔惡。煩悶虛痛。走注常服。開胃消痰。散壅思食。早行山行。尤宜服之。去邪辟瘴。用香附子四十兩。炒甘草八兩。炙沉香二兩。砂仁五兩。共爲極細末。每服一錢。白湯調服。○治癰疽腫毒初起。用香附子四錢。酒浸炒。乳香沒藥各一錢。白芷赤芍藥當歸尾金銀花各三錢。水酒各半煎服。○治跌撲損傷瘀血凝滯腫痛。用香附子酒浸炒三錢。當歸尾桃

仁泥各二錢。乳香沒藥各一錢。酒水各半。煎服。○治婦人夜熱骨蒸。陰虛血少者。用香附一觔。童便浸三日。再用童便煮酥。搗成膏。懷熟地四兩。酒煮搗膏。沙參。麥冬。地骨皮。黃柏。牡丹皮。丹參各三兩。共爲末。煉蜜丸。每早服三錢。白湯下。○治小腸疝氣。冲發。用香附子。玄胡索。小茴香各二兩。共爲末。每服二錢。用海藻一錢。煎湯服。○治肝脇脹痛。用香附子三錢。蘆薈一錢。白芥子五錢。牡丹皮二錢。共爲末。紅麴打糊。九黍米大。每服二錢。白湯下。○治心胃痛。用香附。莪朮各三錢。木香。檳榔。白牽牛各二錢。共爲末。每服二錢。白湯下。○治婦人女子經候不調。一切諸病。用大香附子。去毛。水洗淨。一觔。分作

四分。四兩醇酒浸。四兩醋浸。四兩鹽水浸。四兩童便
浸。春三夏一。秋五冬七日。曬乾。晒燥。微炒。磨爲末。氣虛
加四君子料。血虛加四物料。有痰加貝母。杏仁。有熱加
知母。黃柏。熱燥加天麥冬。夜熱加地骨皮。銀柴胡。牡丹
皮。○治婦人氣鬱血衰。頭眩腹滿。用香附子。醋浸炒。四
兩。茯苓。當歸。各二兩。陳皮。甘草。各一兩。共爲末。每服二
錢。白湯下。○治婦人五色漏帶。或血崩。用香附子。四兩。
醋浸炒焦。爲末。每服三錢。白湯調服。○治婦人胎氣不
安。惡阻不食。氣不升降。嘔吐酸水。起坐不安。用香附子
四兩。醋浸炒。薑香葉。二兩。甘草八錢。共爲末。每服二錢。
白湯下。○治婦人一切頭痛。用香附子。醋童便浸炒。爲

木。每服二錢。日二。除楊梅風毒頭痛不用。○治男婦小目睛作痛。令淚羞明。用香附子五兩。童便浸三日。水洗淨。晒乾。炒。夏枯草三兩。微炒。俱研爲末。每早晚各食後服二錢。茶調下。○治聾耳出水。用香附子炒黃。爲極細末。以綿子作撚蘸入。○治牙疼。牙宣。兼烏髮。用香附子三兩。鹽水浸半日。炒。青鹽生薑各五錢。爲末。日擦牙。○治蜈蚣咬傷。嚼香附塗之。立效。○治婦人脾胃虛冷。子宮寒閉。氣盛痰多。不能生育。用香附子一觔。童便浸三日。濾乾。加蘄艾四兩。用醇酒同煮乾。晒燥。俱炒焦黑。研爲末。棗肉丸。梧子大。每早服三錢。白湯下。

○家寶丹。專治產難胎衣不下。或胎死腹中。或血暈血脹。血煩血悶。及產後小腹痛如刀刺。兼治產後一切雜病。或中風中氣。乳腫血淋。平時赤白帶下。嘔吐惡心。心氣抑鬱。經脉不調。或不通。番胃膈食。飲食無味。手足頑麻。一切風痰。俱效。香附子。童便浸二日。晒乾。川烏。草烏。用酒煮一日。晒乾。蒼朮。米泔浸一日。晒乾。各四兩。當歸。酒洗。白附子。各二兩。麻黃。滾湯泡去沫。桔梗。甘草。防風。白芷。川芎。人參。大茴香。黑荊芥。白朮。各三兩。木香。血竭。細辛。各一兩。共十九味。總在鍋內微炒燥。磨爲極細末。煉蜜丸。彈子大。每丸重二錢。酒化開。和童便化下。男婦年久腹痛。服兩三丸。卽愈。室女經脉不通者。用桃仁紅花煎湯下。勞熱肺有火者。不宜用。

縮砂仁。味辛甘。溫。氣溫。無毒。陽也。浮也。入手足太陰。陽明。

太陽。少陰。八經。

蘇氏曰。生西海西戎波斯諸國。今從東安道來。嶺南山澤亦有。苗莖並似高良薑。高三四尺。葉長八九寸。闊半尺許。三四片花開在根下。五月成實。五七十枚作一穗。似益志而圓。皮紫厚而皺。有栗紋。外刺黃赤。一團八隔。可四五十粒。形似黍稷。表黑裏白。辛香似白豆蔻仁。八月采收。取氣味完固也。修事去殼。焙燥。研細用。辛香亦可充調食味。

○砂仁。溫中。和氣之藥也。治脾胃虛寒。腹痛吐瀉。或脾胃鬱滯。水穀不行。或傷酒停飲。嘔吐惡心。或寒暑不調。霍亂吐利。或肺中受寒。上氣欬嗽。或腎氣泛溢。奔豚走疰。又若上焦之氣梗逆而不下。下焦之氣抑遏而不上。中焦之氣凝聚而不舒。用砂仁治之。奏効最捷。然古方多

用以安胎。何也。蓋氣結則痛。氣逆則胎不安。此藥辛香而竄溫而不烈。利而不削。和而不爭。通暢三焦。溫行六府。暖肺醒脾。養胃益腎。舒達肝膽。不順不平之氣。所以善安胎也。又有不宜用者。凡腹痛由于內熱泄瀉。由于火邪。胎痛由于血熱。腫滿由于濕熱。上氣欬嗽。由于火衝迫肺者。咸宜禁之。

韓氏醫通曰。縮砂香而能運。屬土與火。主啓脾調胃。引諸藥歸宿丹田。調合五藏。沖和之氣。故入補腎藥。用同地黃。蒸和取其達上下。濟水火也。

沈則施先生曰。砂仁溫辛香散。止嘔通膈。達上氣也。安胎消脹。達中氣也。止瀉痢。定奔豚。達下氣也。與木香同。

用治氣病尤速

繆仲淳先生曰。縮砂密。氣味辛溫而芬芳。香能入脾。辛能潤腎。故爲開脾胃之要藥。和中氣之正品。若兼腎虛。氣不歸元。非此爲向導不齊。殆勝桂附熱毒之害多矣。王氏謂得人參。山藥。益智。則入脾。得黃蘗。茯苓。則入腎。得酸棗仁。龍眼肉。則入心。得赤白石脂。則入大小腸也。盧子由先生曰。其花實在根。若美蘖之本。斂縮退藏之謂密矣。猶夫其息以踵。孕毓元陽。保任冲舉者也。是故升出降入。靡不合宜。寧獨對待陰凝。開發上焦。宣五穀味。蘇胃醒脾而已。卽虛可補。胎可安。滑可濇。脫可收。滲可彌。奔豚可下。乃若解毒散滯。伸筋舒鬱。化痞却痛。徹

飲調中。開噎膈。攝吐逆。此正開竅上焦。宜五穀味。蘇胃醒脾之功力也。

○集方治泄瀉兼嘔吐及不思食。用縮砂仁。人參。橘皮。藿香。白茯苓。白芍藥。炙甘草。○治乾霍亂累効。用縮砂仁兩許。炒爲末。入食鹽三錢。滾湯一碗。泡浸冷服。○治遍身腫滿。陰亦腫者。用縮砂仁。土狗一箇。等分。研和。白湯服之。○治子痼昏冒。用砂仁和皮炒黑。熱酒調下二錢。不飲者。米湯下。此方安胎止痛。其効不可盡述。○治妊娠胎動。偶因所觸。或跌墮傷損。致胎不安。痛不可忍者。用砂仁。炒熱。搗碎。每服二錢。熱酒調下。須臾覺腹中胎動極熱。卽胎已安矣。○治傷飲食。油膩。瓜菓酒麵乳茶。

痛用陳酒磨服。小兒寒疝作痛啼叫不已。用葱湯磨服。
①治男子婦人一切七情之氣不和。多因憂愁思慮。忿
怒傷神。或臨食憂戚。或事不遂意。使抑鬱之氣。畱滯不
散。停于胸膈之間。不能流暢。致心胸痞悶。脇肋虛脹。噎
塞不通。吞酸噫氣。嘔噦惡心。頭目昏眩。四肢困倦。面色
痿黃。口苦舌乾。飲食減少。日漸羸瘦。或大腸虛閉。或因
病之後。胸中虛痞。不思飲食。並皆治之用。砂仁、茯苓、半
夏、白朮、桑皮、大腹皮、青皮、紫蘇葉、肉桂、烏藥、木香、赤芍、
藥各二錢、甘草五分、生薑三片、黑棗三個。水煎服。如面
目浮腫。加猪苓、澤瀉、車前、葶藶各一錢。氣塊耕痛。加三
棱、莪朮各一錢五分。

蓬莪朮。味苦辛。氣溫無毒。陽中之陰。降也。入足厥陰肝經。氣分藥也。

蘇氏曰。蓬莪朮。生西戎及廣南諸郡。州今浙江亦或有之。三月生苗。在田野中。其莖如錢大。高二三尺。葉色青白。長一二尺。大五六寸。頗類蘘荷。五月黃花。作穗。花頭微紫。根如生薑。而木在根下。狀如雞鴨卵。大小不常。九月采。削去粗皮。蒸熟。晒乾。用此物極堅硬難擣。用濕紙包裹。于灰火中煨令透。乘熱擣之。卽碎如粉。今人多以醋炒酒炒。亦良。好惡並生。惡者有毒。能殺人。好者無毒。能攻疾。土人取之。先放羊食。不食棄之。○陳氏藏器云。一名蓬莪。黑色。二名蓬。黃色。三名波猊。味比有大毒也。

○蓬莪朮。行氣破血。爲血中氣藥也。特破血中之氣。入氣藥。發諸香。主諸氣諸血積聚。爲最要之品。若心腹攻痛。痞積氣塊。而每發無時。若胃脘作疼。牽引背脇。而痛難展側。若吞酸吐酸。刺心如醋。而胸膈不清。若停食停飲。

霍亂吐瀉而驀然暴作。若奔豚疝瘕。攻注小腹而挺痛。勿安。若盤腸內釣。肚腹絞痛。而面色青黑。凡病食飲氣血痰火停結而不運。或邪客中下二焦。藏府壅滯。陰陽乖隔。不得升降。或鬱久不通。而致損脾元者。雖爲泄劑。用此。頃能撥邪反正。諸疾自平。通胃行食。故本草稱爲益氣健脾。良有以也。又孫氏方。治氣短不能接續。以集香丸。及諸湯散中多用之。使結通滯行。陰陽和平。則短抑而不接續之氣自順矣。但行氣破血散結消滯。是其功能之所長。若婦人小兒氣血兩虛。脾胃素弱。而無積滯者。不可妄投。卽有血氣凝結。飲食積滯。亦當與健脾養胃補益元氣藥同用。方無虛虛之失。

○集方治胃脘及心腹攻痛連及背脇痛不可忍用蓬莪
術二兩醋煮木香一兩牽牛初次末五錢薑仁霜五錢
共和勻每服三錢白湯調服時發者可絕根○治霍亂
吐利欲死用蓬莪術藿香滑石檳榔厚樸葱頭水煎冷
服○治吞酸吐酸用蓬莪術一兩川黃連五錢吳茱萸
五錢同煮去吳茱萸水煎服○治奔豚疝瘕用蓬莪術
肉桂小茴香各等分爲末服○治盤腸內釣面目仰視
用蓬莪術礪砂鈎藤膽星石菖蒲各等分水煎服○治
婦女血瘕痞塊攻作用蓬莪術一兩乾漆五錢共爲末
紅麴打稀糊丸菴豆大每早服五分○治一切飲食停
滯積聚及小兒癥瘕用蓬莪術陳皮人參砂仁京三稜

肉豆蔻青皮麥芽穀芽木香。○治小兒盤腸內釣痛以蓬莪朮五錢阿魏一錢化水浸蓬莪朮過時焙乾研末每用二分紫蘇湯下。

○治痢疾初起裏急後重腹痛膿血窘迫壯盛人一劑尋愈用莪朮煨一錢五分生地赤芍藥歸尾檳榔枳殼牽牛微炒搗碎黃連大黃各二錢水煎空心溫服以利爲度如見上證虛弱人不便驟行者以化積藥清之用莪朮煨一錢白芍藥黃芩黃連各一錢五分升麻八分檳榔木香當歸枳殼各一錢二分。○治下痢赤白稍久宜調和用莪朮煨五分當歸白芍藥桃仁川芎黃連黃芩各一分升麻六分水煎服人虛者加人參黃耆各二錢小兒不忌加澤瀉車前子各一錢

荆三稜味苦辛。性平無毒。入心厥陰。足太陰經。

蘇氏曰。荆三稜生荆襄江淮河陝皆有之。多在淺水旁。或荒廢陂池濕地。間春時叢生。夏秋抽莖。莖端復出數葉。開花六七枝。色黃紫。作穗細碎。結子如粟。莖葉花俱有三稜。與莎草一樣。但極長大。其本光滑。中有白穢。剖之。纖物柔韌如藤。本下有魁。初生成塊。如滑子。亦有區形者。從旁橫貫一根。復連數塊。或作苗葉。其形長區。鬚皮黃褐。削去鬚皮。宛如鯽狀。體重者。京三稜也。圓小如梅。輕鬆而黑者。黑三稜也。其根不生苗。根上又生細根。鉤曲如爪者。雞爪三稜也。大小不常。其色俱黑。去皮即白。三者本是一種。因狀賦名。各適其用。非二種也。又河中府有石三稜。根黃白色。形如釵股。葉綠如蒲。苗高及尺。四月開花。色如薔花。五六月采根。根色黃白。堅重如石。亦能消積。○江氏云。今所用三稜。皆淮南之紅蒲根也。秦州尤多。其體圓堅重。亦有區者。不復有三稜。不知何緣命名。為三稜也。雖御院醫亦不辨。議流習既久。并訛極矣。細辨之。其根形區長多黃黑。鬚削去鬚皮。乃如鯽狀。而有後者是也。

○荆三稜破血通經。為氣中血藥也。蓋血隨氣行。氣聚而

血不流則生瘀。薄惡患者。老癥癥瘕。積聚結塊。產後惡血。血結或食積。蠱疾。厥脹痞堅。腸癰肚疽。凡病胸腹腸胃之間。急疾不通。非此不治。此藥苦能泄。辛能散。入血則破血。入氣則破氣。故陳氏方謂能逐產後敗惡宿血。在所必需。血屬陰而有形。此所以治一切凝結停滯。有形之堅積也。潔古氏用以治心膈痛。飲食不消。海藏氏用以行肝經積血。皆與本經之意合耳。但攻關而至。烈摧拉而不辭。有斬關奪將之功者也。能使人真氣元虛者忌之。

繆仲淳先生曰。荆三稜。蓬莪朮。二藥俱能瀉真氣。真氣虛者勿用。此見諦之言也。故凡用以攻導。必資人參。

術歸芍之力而後可以無弊。觀東垣氏五積方皆有參意可知已。何者。蓋積聚癥瘕必由元氣不足不能消化流行致之。欲其消也。必藉脾胃氣旺。能漸漸消磨。消化以收平復之功。如祇一味專用剋削。則脾胃之氣愈弱。後天之氣益虧。將見故疾不去。新病復至矣。可不慎哉。

○集方治一切堅癥老癖積聚。用京三稜蓬莪朮香附玄胡索肉桂牡蠣人參。○治腹脹用荆三稜白木砂仁少加川黃連。○治蟲疾腹脹如鼓。內有蟲者。用荆三稜烏梅肉川椒各五錢。共爲細末。巴豆肉去油六分。和勻。梧子大。每早空心服一錢。白湯下。○治肚內癰疽膿已成。

難出者。用荆三稜、茺蔚、山甲、紅蜀葵根各等分爲末。每早服錢生酒下。○治毒後一切惡血停滯及月水不通。少腹作痛。用荆三稜、紅花、當歸尾、川芎、赤芍藥、肉桂、土膝、玄胡索、五靈脂。○治一切食積并氣壅塞。不利。用荆三稜、陳皮、青皮、砂仁、紅麴、麥芽、肉荳蔻、山楂、川黃連。○治乳汁不下。用荆三稜三箇切片。水二碗煎汁一碗。洗奶取汗出爲度。極効。○治反胃惡心。藥食不下。荆三稜炮一兩。母丁香三分。共爲末。每服一錢。白湯調下。

薺菜味辛苦性溫平無毒少陽引經藥入手足厥陰氣分

李時珍先生曰薺菜薺菜薺菜也此藥上行專治頭腦諸

疾故名薺菜中者為川薺天台者為白薺江右者為薺菜

皆因地而名也○蘇氏曰薺菜少寒人多栽薺菜深莖

葉亦不萎也清明後宿根生苗印分其枝橫埋上中則

節節作根生苗也四月生葉似水芹微窄有久又似白

芷而細亦似胡荽而壯又一種葉細似蛇床者莖葉俱

香莖細節大莖葉叢翠五月采葉作飲極香美六月

開碎白花如蛇床子花八月後根下結薺菜園圃種薺

者根形塊大實而多脂山生者細瘦辛苦十月采根非

時則虛惡不堪用關中出者形塊重實形如雀腦蜀中

出者塊大色白不油滑之味辛而香也楚人謂薺菜曰

有麥薺平有薺菜河魚腹疾奈何二物皆能治水

○薺菜上行頭目下調經水中開鬱結血中氣藥也薺為

當歸所使非薺治血有功而治氣亦神驗也凡散寒濕

去風氣明目疾解頭風除脇痛養胎前益產後又癰瘰

瘰癧

結聚血閉不行。痛痺瘡瘍癰疽寒熱脚弱痿痺。腫痛却步並能治之。味辛性陽。氣善走竅而無陰凝結滯之態。雖入血分又能去一切風。調一切氣。凡鬱病在中焦者。須用川芎開提其氣以升之。氣升則鬱自降也。凡血痢已通而痛不止者。乃血虛氣滯。須加川芎則使氣行血調。其痛立止也。故同蘇葉可以散風寒。干姜分同者。木可以溫中氣而通行肝脾。同歸芍可以生血脈而貫通營陰。若產科眼科瘡腫科此爲要藥。凡病人上盛下虛。虛火炎上。咳嗽痰喘。自汗盜汗。咽乾口燥。發熱作渴。內熱生煩。陰極發躁。中氣短怯。並禁用之。

陳廷采先生曰。安川芎。本草言不宜單服。久服單服久。

服則走散真氣。令人暴亡。無乃因其氣味辛溫發散之故歟。前古醫工。每於四物湯中用川芎。十僅存一。亦鑒此戒。奈何鄉落愚民。罔明藥性。時采土芎烹茶。自謂香美可口。氣體稍實。僥倖無虞。儻涉虛癰。鮮不蒙其禍者。戒之慎之。司業者無忽也。

盧子由先生曰。川芎古名穹窮。穹高也。窮窅竟也。言主治作用也。故主風中頭腦。或腦痛。或頭腦俱痛。此風氣通于肝。亦卽春氣者。病在頭也。力能直達肝用。從踵徹顛。一鼓而邪自退矣。

○集方婦人氣厥頭痛。及產後頭痛。用川芎。烏藥各等分爲末。每服二錢茶調下。○風熱頭痛。用川芎。黃芩各等

分爲末。每服二錢。白湯下。○經水三月不行。驗胎法。用

川芎。當歸。斷艾。各二錢。水煎服。微動者是胎。不動者非

也。○治酒癖。脇脹。不時嘔吐。腹有水聲。用川芎。三稜。俱

酒炒。各一兩。爲末。每服二錢。白湯調下。○小兒腦熱。好

閉目。或太陽痛。或目赤腫。用川芎。薄荷葉。玄明粉。各二

錢。以少許吹入鼻內。○齒敗口臭。川芎煎濃汁含之。○

牙齒腫痛。用大川芎一箇。陳糟內藏一月。取焙。入細辛

同研爲末。擦痛處。○諸瘡腫痛。用川芎五錢。爲末。入輕

粉五分。麻油調搽。○治血瘕疼痛。用川芎。當歸。乾漆。玄

胡索。五靈脂。白芍藥。三稜。牡蠣粉。各等分。爲丸。每服三

錢。○治血虛頭痛。用川芎。甘菊花。當歸。白芍藥。熟地黃。

各二錢。水煎服。火盛者加童便。○治子死腹中。用川芎。當歸尾。肉桂。牛膝。各三錢。爲末服。○血崩久不止。用川芎。續斷。懷熟地。鹿角膠。杜仲。山茱萸。五味子。人參。黃耆。酸棗仁。各等分。爲丸。每服三錢。

蕪荑。味辛氣香。性溫無毒。入手少陰足少陽厥陰經。

陳氏曰。此蕪荑苗也。其莖葉蕪荑。故名。生雍州川澤及宛旬。今出歷陽處。處多種。然五月苗葉暴乾。蓋蕪荑苗未結根時。則為蕪荑。既結根後。乃為蕪荑。大葉似蕪荑者。為江蘇。細葉似蛇床者。為蕪荑。亂人者。若蕪荑之類。而蛇床之與蕪荑。亦指細葉者。相類而言也。又言蕪荑香。可藏衣中。

○蕪荑主頭風風眩之藥也。此藥氣味芳香清潔。故去風散濕。本草所稱上欬逆。定驚氣。除蠱毒。消鬼疰。作飲止泄瀉。皆辛香發越鬱遏不正之氣歟。

盧不遠先生曰。蕪荑辛溫虛達。得青陽之氣。通甲膽之精。輔神明之用者也。

當歸。味苦辛甘。性溫。無毒。入手少陰。足太陰厥陰經血分之藥也。

別錄曰。當歸生隴西川蜀山谷人多栽蒔為貨。及江寧滁州亦有之。以蜀中者為勝。春生苗葉有三瓣。七八月開花。似蒔蘿花。淺紫色。根黑黃色。以肉厚而不枯者為勝。二八月采根。○李氏曰。出當州者。別州。松州。秦州。汶州。以宕州者最勝。有二種。一種似大葉芎藭者。名馬尾歸。今人多用。一種似細葉芎藭者。名蠶頭歸。乃溧陽山者。不堪用。按本草諸書。以秦歸。蠶頭。尾。多色紫氣香。肥潤者。名馬尾歸。最勝。他處者。頭大尾細。色白堅枯者。為蠶頭歸。止宜入發散藥。韓氏言川產者。力剛而善攻。秦產者。力柔而善補。是矣。又江浙出一種土當歸。氣芳香。頭大尾少。而短性堅硬。肉色白。即蠶頭歸之類。○又頭尾功効各異。凡物之根。身半已上。氣脈上行。法乎天。身半已下。氣脈下行。法乎地。人身法象天地。則治上當用頭。治中當用身。治下當用尾。通治則全用。乃一定之理也。

○當歸。生血。養血。止血。活血之藥也。若吐血。衄血。淋血。便

血。或經漏失血。或產崩損血。皆血走也。必用歸頭以止之。如陰虛不足。精神困倦。或驚悸怔忡。健忘恍惚。皆血少也。必用歸身以補之。如瘡瘍目痛。癰疽腫毒。或跌撲損傷。或經閉淋瀝。皆血聚也。必用歸梢以破之。如筋骨牽強。遍身疼痛。皆血滯也。必用歸頭身梢全用以活之。蓋心主血。脾統血。肝藏血。歸爲血藥。故專入足三陰血藏。能引諸血各歸其所當歸之處。故名當歸。如產後氣血昏亂。倉卒之際。服之卽定。能使氣血歸還也。又脉者。血之府也。諸血皆屬心。凡通脉者。必先補心。補心必先益血。故仲景治手足厥寒。脉細欲絕。雖用參附薑桂。必用當歸領之。卽通脉歸旋之意也。又諸病夜甚者。血病

也宜用之。諸病虛冷者。陽無所附也。宜用之。又按本經主欬逆上氣。溫瘧寒熱。洗洗在皮膚中。議者以當歸血藥。如何治欬逆上氣。與溫瘧寒熱也。殊不知當歸非獨上血。按其味甘苦兼辛。辛中常有發散之意。乃血中氣藥也。況欬逆上氣。非止一端。亦有陰虛陽無所附。以致然者。用血藥補陰。則血和而氣降矣。何欬逆之不可已乎。溫瘧寒熱。不在皮膚外。肌肉內。而洗洗在皮膚中。觀夫皮膚之中。營氣之所會也。溫瘧延久。營氣中虛。寒熱交爭。汗出洗洗。用血藥養營。則營和而與衛調矣。營衛調和。何溫瘧之不可止乎。然性味溫辛。雖能補血養營。終是潤滑之體。大凡脾胃不實。洩瀉溏薄。與夫風寒未

清惡寒發熱。表證外見者。並禁用之。卽在胎前產後亦不得藥投。

沈則施先生曰。歸芍同用。可以養血而歛血。歸芍同用。可以養血而補血。歸木同用。可以養血而生血。或者用之涼血。非配生地。芩連不能涼。用之止血。非配地榆。烏梅。薑炭不能止。用之破血。非配稷米。桃桂不能破。用之清血。非配蒲黃。山梔不能清。

○集方治婦人血分百病。用當歸。川芎。白芍。地黃。各四物湯。治婦人產後百病。本湯加炮薑。炮黑豆。澤蘭。牛膝。益母葉。蒲黃。玄胡索。香附。○治瘧在陰分。發久不止。四物湯加牛膝。龜甲。陳皮。生薑。白朮。常山。○治心血虛。不得

眠。四物湯加酸棗仁。遠志肉。人參。茯苓。○治陰虛盜汗。
四物湯加知母。黃耆。○治產難及橫生。四物湯加人參。
益母葉。立安。○治產後血上。薄心。四物湯加益母葉。紅。
花。蒲黃。牛膝。玄胡索。炮薑。○治婦人血閉無子。四物湯。
加鹿角膠。川續斷。杜仲。白芷。細辛。○婦人臍下氣脹。月。
經不利。血氣上攻。嘔不得睡。四物湯加乾漆。各等分。爲。
丸。每早服二十九。溫酒下。○室女經閉。四物湯加眞沒。
藥。各一錢五分。爲丸。溫酒下。○墮胎下血不止。用當歸。
一兩。葱頭二箇。酒煎服。○婦人胎動不安。或子死腹中。
口噤欲死。用當歸二兩。川芎一兩。炒焦。黑豆一兩。童便。
酒煎。○產後血脹。腹痛引脇。用當歸。炮薑。各等分。爲末。

每服三錢。白湯調服。○產後腹痛如絞。當歸末五錢。白

蜜二合。水煎服。○產後中風不省人事。口吐涎沫。手足

痙攣。製附子。當歸。荆芥。各五錢。煎服。卽甦。○頭痛如裂。

用當歸二兩。水煎服。○血虛發熱煩渴引飲。目赤面紅。

其脉洪大而虛。重按無力。此血虛故也。得于饑困勞役。

證象白虎。但脉洪大。不長實。爲異。誤服白虎必死。用當

歸身一兩。黃耆二兩。水煎頻服。○凡傷胎去血。產後

去血崩中去血。金瘡去血。拔牙去血。一切去血過多。心

煩眩暈。悶絕不省人事。用當歸二兩。川芎一兩。水煎服。

○內虛人目暗不明。用當歸六兩。製附子一兩。煉蜜爲

丸。梧桐子大。每服三十九。溫酒下。○手臂疼痛。用薑黃

二兩酒炒當歸三兩浸酒服。○治一切癰疽疔腫不問陰陽虛實善惡腫潰太痛或不痛然當服於未潰之先與初潰之時如毒已大潰不宜服初用此劑大勢已退然後隨證調理其功甚捷用當歸乳香沒藥土貝母甘草節白芷花粉赤芍藥各一錢防風陳皮皂角刺各一錢五分金銀花三錢穿山甲三大片切碎炒黃色用好酒清水各一碗煎至一碗隨磨上下以分饑飽服能飲酒者服藥後再飲三五杯側臥片時覺痛定回生。

治氣

渴飲

芍藥
一片

茅香。味苦。性溫。無毒。入足陽明太陰經。

李時珍先生曰茅香生劍南福州道諸處今陝西河東
亦東州郡亦有。遙澤州充貢三月生苗似大麥其莖葉
綠色五月開花。色白亦有黃花者有結實者有無實者
並正月二月采根五月采花八月采苗日乾其莖葉黑
初色氣甚芬香花葉用治同。一說茅香凡有二此是
種香茅也非若南番一種香茅名白茅香與此各類。

○茅香溫胃祛寒之藥也。止嘔吐。療心腹之冷痛。而奔豚
寒疝可醫。却瘡疥。去皮膚之風。而煮湯作浴必用。乃辟
邪去穢之良草也。今時人湯液中鮮有用者。入香料每
必需之。但氣香性熱。凡陰虛血熱咳嗽與胃熱作嘔之
證不可用此。

白芍藥味酸性寒無毒可升可降入手足太陰厥陰經乃

肝脾血分藥也

李時珍先生曰芍藥猶婢約也婢約美好貌此草花容
嬌約故名鄭風詩云伊其相謔贈之以芍藥出中嶽川
谷丘陵處處有之出白山蔣山茅山者最好今紹興金
華亦有昔稱洛陽牡丹廣陵芍藥甲于天下今藥中惟
取廣陵者為勝十月生葉至春乃長華至二三尺許三
枝五葉花葉子實酷似牡丹名有三十餘件第發芽在
牡丹之前作花在牡丹之後夏初開花有紅白紫數種
又有單瓣千瓣樓子之別白者名金芍藥赤者為木芍
藥入藥只取白牡丹之根氣味全厚然根之赤白亦
隨花之赤白也修用先別赤白白根固白赤根亦白每
根切取一片各以法記燒酒潤之覆蓋過宿白根固白
赤根轉赤矣各以竹刀刮去皮用今市肆一種赤芍藥
不知何物草根傷科多用消腫毒人多不察其為害也
殊甚又白芍藥老根年久色赤市人偽充赤芍藥亦非
○倪朱謨曰本經言赤白芍藥生山谷丘陵後世多用
人家種植者乃欲其花葉肥大必加糞壤分歲入九月
取根分種今淮南真陽尤多根
雖肥大而香味不佳以藥少故

○白芍藥。扶陽收陰。益氣飲血之藥也。酸能入肝。而苦寒亦能養木。酸能飲血。而氣寒尤能生血。然安血室。止崩漏。和營衛。歛虛汗。發痘疹。解毒痢。治胎產。止腹痛。其效甚捷。故同甘草。止氣虛腹痛。同芍歸。止血虛腹痛。同查樸。止積滯腹痛。同砂仁。止胎孕腹痛。同芩連。止熱痢腹痛。同薑附肉桂。止陰寒腹痛。同防風。發痘疹于已出未出之際。同薑棗。散風寒于表熱裏虛之時。又同白朮補脾。同川芎補肝。同參耆補氣。同歸地補血。同木香行中有止。同麻黃藏中有發。或問今人以酸滯爲收。何以白芍藥能發邪氣。此藥春苗直上。挺透不屈。氣雖酸滯。用于發散藥中。又能助汗泄邪。取其歛而復伸。蓄而復通。

之意據本經主邪氣腹痛除血痺破堅積寒熱疝瘕等
疾。知已世稱氣味酸欬唯堪降入此不識臭味不顧
名者矣。故仲景治傷寒多用白芍藥以其退寒熱利
小便也有謂產後不可用者以酸寒伐生發之氣無溫
散之功此說實齊東野人語也。況產後寒藥不避大黃
熱藥不避桂附補滯藥不避歸地流通藥不避烏藥木
香何畏白芍藥之酸收耶。況能安血室和營衛豈產後
有不可用之理乎。知幾之士當自得之毋爲耳食也。
繆仲淳先生曰白芍藥養陰凡中寒腹痛中寒作泄腹
中冷痛腸胃中覺冷諸證忌之。赤芍藥破血凡一切血
虛病及泄瀉產後惡露已行少腹痛已止癰疽已潰諸

證忌之

沈則施先生曰赤白二芍藥主治畧同而白補赤瀉白收赤散白芍藥益脾能于上中瀉木赤芍藥散邪能行血中之滯二者稍有不同耳

沈起愚先生曰白芍藥欬虛汗發邪汗與黃耆白朮同性會心者得之

○集方治血室不調轉生百病用白芍藥歸身地黃川芎

四物湯○治血崩漏下用白芍藥川黃芩人參薑炭○

治虛汗頻出不止用白芍藥北五味黃耆人參白朮○

治痘^毒不起發用白芍藥防風牛蒡子荆芥○治痘^毒瘡

血虛發癢用白芍藥白芷甘草○治痘^毒瘡熱甚作瀉用

白芍藥。川黃連。甘草。○治痘瘡虛寒作瀉。用白芍藥酒炒。甘草。白朮。土炒。肉桂。附子。童便製。肉苳蔻。○治下痢。不拘赤白。初起用白芍藥。川黃連。枳殼。甘草。青皮。木香。大黃。當歸。○治久痢。用白芍藥。酒炒。於白朮。土炒。木香。川黃連。升麻。人參。扁豆。○治腸風下血。用白芍藥。防風。荆芥。生地。黃耆。蒼朮。○治產後血虛發熱。用白芍藥。熟地。牛膝。薑炭。麥門冬。川續斷。北五味。○治產後惡露不下。用白芍藥。牛膝。歸尾。玄胡索。澤蘭。紅花。五靈脂。

○治時行赤白痢疾腸胃中有風熱和毒發熱不退及時行瘟疫沿門闢境皆下痢禁口者服之神効用白芍藥羌活柴胡川芎枳殼桔梗茯苓薄荷人參各一錢二分甘草六分黃連一錢五分陳倉米三百粒水煎服○治童男室女身發潮熱咳嗽吐痰夜出盜汗飲食少進四肢無力漸至消瘦用烏雞丸用白芍藥茯苓生地黃當歸黃耆人參白朮黃芩知母川貝母地骨皮秦艽沙參銀柴胡黃芩各二兩俱用酒拌炒天門冬麥門冬俱去心各四兩酒煮搗膏前十四味俱研爲細末配入二冬膏煉蜜和爲丸梧桐子大每早晚各食前服三四錢白湯送下

赤芍藥味酸苦性寒無毒陰也降也爲手足太陰行經藥入肝脾血分。

王少字先生曰其生成出產未詳客云其赤芍藥用血虛形色未詳。

○赤芍藥瀉肝火消積血散瘡瘍之藥也凡日痛赤腫血脈纏暗癰瘍腫潰瘡疹痛癢或婦人癥瘕腹痛月經阻滯或痢疾瘀積紅紫不清均可用之或云能行血中之滯止痛不減當歸原其氣性酸寒疎肝通滯解毒氣散變火于血分也。

○治一切癰疽腫毒用赤芍藥乳香沒藥貝母甘草白芷花粉當歸尾防風紫花地丁金銀花皂角刺穿山甲火煨各二錢共爲末酒調服。○赤眼腫痛用赤芍藥柴胡

龍膽草。連翹。防風。荆芥。甘草。○治婦人癰瘕塊痛。用赤芍藥。玄胡索。木香。乾漆。莪朮。五靈脂。肉桂。○治經阻腹痛。并惡露不行。用赤芍藥。當歸尾。玄胡索。青皮。五靈脂。肉桂。紅花。○治赤血毒痢疼痛。通用赤芍藥。當歸尾。木香。大黃。酒炒。枳殼。○治脚氣腫痛。用赤芍藥。木瓜。蒼朮。○治小便^方淋。用赤芍藥。川牛膝。○治木舌^方腫滿塞口。殺人。用赤芍藥。甘草。蒲黃。各等分。煎水熱漱。

牡丹皮。味辛香。性溫平。無毒。入手足厥陰。手足少陽。手足

少陰經。

按本草別錄謂牡丹出巴郡及漢中劍南。今丹延青
越。源和宣。七州。黃莖梗枯燥。黃白色。長五七寸。大如
管。二月生苗。葉似芍藥。三月開花。有紅黃紫白數色。色
狀善變。花猶正五六頁。五月結子。黑色。如雞豆大。此山
牡丹也。大都丹延以西及秦斜道中尤多。與荆榛無異。
土人皆取以爲薪。若劍南及合和宣州諸處。其花千頁
起。葉肉白皮丹。其莖梗柔潤。秋實綠。冬實赤。土人謂之
百兩金。長安謂之吳牡丹也。今俗用者。異于此。有膠
氣也。宗氏曰。牡丹雖有紅黃白紫數種。入藥。皆取山中
者。入藥。者。專取根皮用。若人家種植。色雖俱。目好。不
以其根長尺許。皮充之。大者。則力不足。于根皮矣。今市人
花。根下着白蘇木。可辟蟲。穴中着硫黃末。可殺蠹。以烏
賊魚骨。藏之。其葉必枯。此物性人不可不知也。○沈起
思先生曰。此花雖結子。而苗仍附根而生。故曰牡丹。其花
色赤故曰丹。

○牡丹皮清心養腎和肝利包絡并治四經血分伏火血
中氣藥也善治女人經脉不通及產後惡血不止又治
衄血吐血崩漏淋血跌撲瘀血凡一切血氣爲病統能
治之蓋其氣香香可以調氣而行血其味苦苦可以下
氣而止血其性涼涼可以和血而生血其味又辛辛可
以推陳血而致新血也故甄權方治女人血因熱而將
枯腰脊疼痛夜熱煩渴用四物重加牡丹皮最驗又古
方用此以治相火攻冲陰虛發熱且地骨皮治有汗骨
蒸爲腎與三焦用也牡丹皮治無汗骨蒸爲腎與心包
絡用也故腎氣丸用之稱善此爲血中氣藥調血則氣
自和調氣則血自安者矣又按本經主寒熱中風瘕癥

驚癇邪氣諸疾。總屬血分爲害。然寒熱中風。此指傷寒熱入血室之中風。非指老人氣虛痰厥之中風也。其文先之以寒熱二字。繼之以癱瘓驚癇。可知已。况癱瘓驚癇。正血得熱而變現。寒熱又屬少陽所主者也。○牡丹皮本入血分。涼血熱之要藥。然能行血。是其專職。雖有和血生血調血之功。必兼大滋養藥乃可。凡婦人血崩及經行過期不淨。並忌與行血藥同用。

張潔古先生曰。葉爲陽發生也。花爲陰成實也。丹者赤色屬火也。故能瀉陰胞之火。四物湯加之。治婦人骨蒸。然須與青蒿子。天麥門冬。沙參。地黃。牛膝。龜膠。枸杞。知母之屬。始得其力。

卷二
繆仲淳先生曰。神不足者。手少陰也。志不足者。足少陰也。故腎氣丸用之。治神志之不足。究竟牡丹皮爲心經正藥。心主血。涼血則心不熱。而陰氣得寧。用之腎經藥中者。陰陽之精互藏其宅。神志水火藏于心腎。卽身中坎離也。交則陰陽和而百病不生。不交則陰陽否而精神離矣。欲求弗夭。其可得乎。

沈拜可先生曰。按深師方。用牡丹皮同當歸熟地。則補血同莪朮。桃仁。則破血同生地。芩連。則涼血同肉桂。炮薑。則暖血同川芎。白芍藥。則調血同牛膝。紅花。則活血同枸杞。阿膠。則生血同香附。牛膝。歸芎。又能調氣而和血。若夫陰中之火。非配知母白芍藥。不能去。產後諸疾。

非配歸芍益母不能行。又欲順氣疎肝。和以青皮。柴胡。達痰開鬱。和以貝母。半夏。若用十癆科。排膿托毒。涼血之際。必協乳香。沒藥。白芷。羌活。連翹。金銀花。輩。乃有濟也。善治者。引用在乎臨證通變而已。

○集方治便毒。生于兩腿合縫之間。用牡丹皮、歸尾、金銀花、天花粉、白芷、赤芍藥各一錢，僵蠶、苦硝各二錢，穿山甲三大片。火燒大黃三錢，木鱉子五個。右剉一劑，好酒二碗煎滾。空心服。渣再煎。隨服。厚被蓋出汗。利一二次。即消。

○治懸癰。生於穀道之前。小便之後。初發甚癢。狀如松子。一月赤腫如桃。遲治則破。而大小便皆從此出。不可治矣。先服國老湯。不消再服。將軍散。用牡丹皮、大黃、貝母、白芷、甘草、黃連各五錢。共爲細末。酒調服二錢。空心吃。

白芷味辛苦氣溫無毒氣味俱輕陽也爲手陽明引經藥

別錄曰生河東川谷今仁和院橋亦種矣春生苗葉葉對生花白微黃入伏後結子葉乾辛芳可合香料立秋後苗枯根長尺餘粗細不等黃澤者爲佳四條并生者名喪公藤勿用八月采蒸乾去皮用道時用石灰拌蒸暴晒收藏不蛀并欲色白不特失其本性而燥烈之毒最深痘家瘍家用之無忌也

○白芷上行頭目下抵腸胃中達肢體遍通肌膚以至毛竅而利泄邪氣如頭風頭痛目眩目昏如四肢麻痛腳弱痿痺如瘡潰糜爛排膿長肉如兩目作癰痛痒赤澁如女人血閉陰腫漏帶如小兒痘瘡行漿作痒白芷皆能治之但色白味辛其氣芳香能通九竅入手足陽明手太陰三經專發陽明表邪爲汗不可缺此其所主之病皆三經之證也如頭目昏眩之證三經之風寒也眉

面口齒之證三經之風熱也漏帶瘡瘍之證三經之風濕也白芷具春升發陳之令潔齊生物風可以散寒可以祛濕可以燥熱可以清備治四邪標本兼宜者也○第性味辛散如頭痛麻痺眼目漏帶癰瘍諸證不因于風濕寒邪而因于陽虛氣弱者陰虛火熾者俱禁用之方龍潭先生曰白芷辛溫發散得紫蘇乾葛可以解表開寒邪得防風荆芥可以祛皮膚風疾得藜蘆本川芎可以上行頭目得天麻殭蠶可以追逐而風得山梔黃芩可以清風熱于肌表得獨活蒼朮可以療風濕于四肢得黃芩黃連可以清濕于腸胃得白薇白朮可以除白帶于經年至若陽明引經無升麻乾葛不能行腸風泄

瀉無防風白朮不能止。

○集方治頭風頭痛侵目淚出用白芷甘菊細辛荊芥辛

荑○治老人血虛痰眩頭風淚出用白芷天麻膽星半

夏當歸熟地枸杞子○治四肢痿痺麻木不仁用白芷

薑黃白朮羌活牛膝○治癰疽未潰排膿止痛用白芷

連翹乳香沒藥歸尾甘草貝母赤芍藥穿山甲皂角刺

金銀花○治癰疽已潰膿水清稀胃弱不食用白芷人

參黃耆肉桂白朮木香砂仁○治乳癰結核用白芷乳

香沒藥瓜蒌蒲公英歸尾○治暴赤時眼腫脹痛痒用

白芷乾菊防風荊芥赤芍柴胡龍膽草連翹草決明○

治女人血閉陰腫寒熱帶下用白芷黃耆當歸生地續

斷香附、牛膝、丹皮。○治痘疹作痛作痒，用白芷、白芍、防風、甘草，隨證加入。○治十八種風邪，用白芷、羌活、防風、菊花、胡麻仁、何首烏、斷蛇。○治牙痛，用白芷、吳茱萸、三味浸湯漱涎。○治婦人難產，用白芷五錢，水煎服立產。
○蝕膿方：用白芷一兩、單葉紅蜀葵根二兩、枯白礬五錢，俱爲細末，黃蠟溶化，入麻油少許，和藥爲丸。梧桐子大，空心服十五丸，俟膿盡，再以他藥隨證補之。○治毒蛇惡蝮傷人，卽昏死，傷處腫大如股，少頃遍身皮脹黃黑色，用白芷八兩，新水調灌，覺臍中滑滑然，口出黃水，腥穢逆人，良久消縮，仍以末搽患處。一人蛇咬腿足腐敗，見白筋，水洗淨，揩乾，以白芷四兩、膽礬末一錢、麝香

少許研勻。摻之惡水。湧出一月平復。

山奈。味辛甘。性溫無毒。入足陽明太陰厥陰經。

李時珍先生曰。山奈出廣中。人家亦多種。蔕根葉如薑。作樟木氣。土人食其根。如食薑云。切斷暴乾。皮赤肉白。古之所謂蘇荖。恐其類也。西陽雜俎云。奈祇出佛林國。長三四尺。根大如鴨卵。葉長似蒜薹。中心抽莖甚長。莖端開花六出。色紅白。心赤黃。不結子。其草冬生夏死。取花壓油塗身。去風氣。按此說頗似山奈。故附之。

○山奈。暖中氣。辟寒瘴之藥也。辛溫而香。去寒暖胃。凡入

山行。宜常佩之。除瘴癘惡氣。治心腹冷病。寒濕霍亂。停食不化。一切寒中諸證。用此宣散中黃之生氣。祛除瘴

癘之死氣耳。

○集方。治心腹冷痛。用山奈。丁香。當歸。甘草。等分。為末。醋

糊丸。梧子大。每服五十丸。酒下。○治一切牙痛。用山奈一錢。麝香包煨熟。入麝香一字。共爲末。隨左右噙少許。入鼻內。口含溫滾水。漱去。立效。○治面上雀斑。用山奈。蜜陀僧。麝香。蓖麻子肉。等分。研勻。以乳汁調之。夜塗。旦洗去。○醒頭去垢。用山奈。甘松。零陵香。各一錢。樟腦五分。滑石五錢。共爲末。夜擦頭。旦篋去。立淨。

藁本。味辛苦。氣溫。無毒。氣厚。味薄。升也。陽也。足太陽本經藥。

別錄曰。藁本生昆西川。及河東兗州杭州江南山各中。苗葉酷似白芷。又似芎藭而稍細。五月開白花。七八月結子。根色紫。苗下根上似天蓼。故名藁本。春月采根。晒乾用。今香料中多用此。近來市中以芎藭根鬚偽充其形狀。氣味相似也。細究其莖葉。但芎藭似水芹葉。而大藁本似芎藭。而葉少。細別出者佳。

○藁本。升陽而發。散風濕。上通顛頂。下達腸胃之藥也。其

氣辛香雄烈。能清上焦之邪。辟霧露之氣。故治風頭痛。

寒氣犯腦。以連齒痛。又能利下焦之濕。消陰障之氣。故

兼治婦人陰中作痛。腹中急疾。疝瘕淋帶。及老人風客

于胃。久利不止。大抵辛溫升散。祛風寒濕氣。于巨陽之

經為端功。若利下焦寒濕之證。必兼下行之藥為善。凡

陽病頭痛發熱。口渴者。產後頭痛。血虛火炎者。傷寒濕邪發于春夏者。皆不宜服。

李贛湖先生曰。藜本乃太陽經風藥。一人病泄。醫以虛治不効。一醫云。風客于胃也。飲以藜本湯而止。蓋藜本能去風濕故耳。

沈則施先生曰。按廣濟方。治寒邪鬱于足太陽經頭痛。及顛頂痛。用藜本。川芎。細辛。葱頭。○治霧露清邪。中于上焦。用藜本。木香。○治小兒疥癬不愈。用藜本煎湯浴之。并以浣衣。○治大人小兒乾白頭屑。用藜本。白芷等分。爲末。夜擦旦梳。垢自去也。○治

各二錢。共微爲末。

酒調

蛇床子。味苦。性熱。無毒。乃右腎與命門。手少陽。足厥陰。四經氣分藥也。補足少陰之虛。去足少陰之濕。疎足厥陰之滯。扶命門之衰。

別錄曰。生臨淄川谷及田野墟落間。三月生苗。高二三尺。葉似蘼蕪枝。上有花頭百餘。同蒂一寒。四月開花。白色。結子攢簇。兩片合成。極輕。虛似蕁荑子。亦有細移。凡花實似蛇床者。當歸。芎藭。木片。藥上。胡。之類也。

○蛇床子。壯陽助陰。養命之藥也。暖子宮。是陰器于融和。厚丹田。壯陽元而久健。其氣味香溫而燥。逐冷痺。利關節。止腰痛。健四肢。頑軟。痠痛。除婦人冷帶黃白。及陰痿濕痒。陰中腫痛等疾。凡經久一切虛寒濕閉。氣滯陰羸之病。厥陰隱僻之病。此藥鼓舞生陽。宣導塞道。不獨補助男子。且能有益婦人。世人捨此而覓補藥于他品。

豈非棄和璞而砥砭是求乎。然醫家有火下部有熱者勿用也。

○集方治男子陽道不起。用蛇床子。五味子。兔絲子。枸杞子。冬青子。各等分。和勻。用黑豆煮濃汁拌五子。日晒乾。再拌再晒。以五次爲度。微炒燥。磨爲末。煉蜜丸。梧桐子大。每早服三錢。酒送下。○治婦人子宮寒冷。用蛇床子爲末。水和爲丸。如棗核大。綿裹納陰戶中。自然溫也。并服前五子丸尤善。○治產後陰脫。用蛇床子蒸熟。盛以絹袋。乘熱熨之。又以蛇床子五兩。用烏梅十四箇煎湯。日洗五六次。洗方并治婦人陰痛。○治小兒疳瘡。頭面耳邊連引流水。瘡極久不愈者。用蛇床子一兩。輕粉三

錢共爲細末油調搽之。○治耳內濕瘡用蛇床子二錢
川黃連一錢輕粉五分爲末吹之。○治冬月喉痺腫痛
不可下藥者用蛇床子燒烟于甕中口含甕嘴吸烟

甘松香味甘性溫無毒入足太陰陽明經

李時珍先生曰產于川西松州其味甘香故名廣誌云出姑臧涼州諸山今黔蜀州郡及遼州亦有葉細如茅引蔓叢生根極繁密八月采根作湯沐浴令然香用合諸香可以藥也

○甘松醒脾暢胃之藥也開寶方主心腹卒痛散滿下氣皆取溫香行散之意其氣芳香入脾胃藥中大有扶脾順氣開胃消食之功入八珍散三合粉中治老人脾虛不食久瀉虛脫溫而不熱香而不燥甘而不滯至和至美脾之陽分用藥也與山奈合用更善

不熱味辛甘性溫無毒可升可降陽也入足陽明太陰手

少陰經。

寇氏曰香薷生山野間別湖南北二川皆有之。中州人作蜀三月種之。暑月可作。蘇食四月生苗。葉似西陳。舊似荆芥花。似木蘇其莖方其葉尖有缺。似黃刺葉而小。九月開花。色紫。作穗。凡四五十房。爲一穗。香氣清烈。可。如落蕊。延生。臨水附岸。芬芳更甚。卽石香薷也。九月開花。若穗。時采之。更佳。凡修治。去根。留葉。曬乾。勿令犯火氣。

○香薷和肝治水之聖藥也。主山嵐瘴癘。寒熱蠱毒。脚氣。

疝氣。水腫濕熱等證。又傷暑用之。卽消暑水。霍亂用之。

卽定煩躁。水腫用之。卽行小便。其辛溫利水。有微上徹。

下之効。甘溫和脾。有撥濁回清之功。所以肺得之。則清。

氣化行而蘊熱自下。脾得之。則濁氣不升。而水道流行。

也。世醫治暑病以香薷飲爲首藥。凡暑月乘涼飲冷致陽氣爲陰邪所遏。遂病頭疼發熱惡寒煩躁口渴。或吐或瀉。或霍亂者。宜用此藥以發越陽氣散寒和脾可也。若飲食失節。饑餓傷脾之人。或大暑行途赤日負重之人。或勞傷氣力。房帷斷喪之人。如傷暑邪。大熱大渴。汗泄如雨。煩躁喘促。或吐或瀉者。乃內傷勞倦受熱之證。必用清暑益氣湯。人參白虎湯。桂苓甘露飲之類。以清火益元可也。然中熱不吐瀉者。宜人參白虎湯。吐瀉者亦宜桂苓甘露飲。若用香薷之藥。是重虛其表而又濟之以熱。大謬矣。蓋香薷乃夏月解表之藥。表無所感而中熱爲病。何假于此哉。誤用則損伐表氣戒之。今人但

知暑月宜用香薷飲。不問有病無病。在表在裏。或虛或實。或陰或陽。藥用此飲。謂能辟暑。互相傳服。強壯無病者。倅免而氣虛有他病者。蒙害多有。不覺且其性溫善。湧熱飲反至吐逆。苟明此理。則香薷可用。不可用。無悞也。

邵行甫先生曰。暑與熱同義而異名。中暑卽中熱也。何分之有。歷代醫家。乃有中暑中熱之分。吾不知其所謂。假如道中行人。酷日趨程。野中農夫。暄天勞力。津竭汗盡。咽喉如燒。饑未得食。渴未得飲。勞未得息。卒然昏冒。不省人事。身體發熱。名爲中熱。雖謂之中暑亦可也。至于素享富貴之人。其性不耐寒暄。每至暑月。卽池亭水

閣以安其身。浮瓜沉李以供其口。環水揮扇以祛其熱。藤簾竹牀以取其涼。炎蒸不來。清風滿座。內有伏陰。外受涼氣。汗不流而肌理密。陰愈侵而陽不發。卒然昏眩。寒熱交作。嘔吐腹痛。乃爲夏月感寒。非中暑也。法當溫以理其中。辛以散其表。不可執中暑之說而用治暑之劑也。宜以生薑、葱白、木香、陳皮、羌活、紫蘇之類。

○集方治嵐蒸瘴氣、寒熱、或燕毒、脹滿。用香薷四兩、厚朴薑水炒、大腹皮酒洗各一兩。俱炒燥爲末。每服三錢。白湯煎服得吐卽解。○治暑熱受寒濕、因食水果油膩等物、隨病脚氣、或疝氣。用香薷一兩、橘核、厚朴、檳榔、木瓜、小茴香、蒼朮各八錢。共爲末。每服三錢。白湯送下。脚氣

疝氣兼治。○治陰霍亂吐瀉不止惡寒不渴手足厥逆
用香薷一兩木香肉桂人參各三錢共爲末每服三錢
生薑湯下。○治熱霍亂大熱大渴煩渴引飲用香薷一
兩川連滑石各三錢共爲末每服二錢白湯下。○治水
疝浮腫用香薷八兩車前二兩茯苓三兩共爲末白湯
調冷服三錢。○治暴水風水氣水通身浮腫用香薷一
觔熬爛去渣再熬成膏加白朮末八兩和九梧子大每
服一錢白湯下服至小便通利爲効。○治水腫以香薷
爲君當同人參苓朮木瓜陳皮白芍藥車前子良。○治
一切傷暑或暑月臥濕當風或生冷不節真邪相干便
致吐利或發熱頭痛體煩或心腹痛或轉筋或乾嘔或

四肢逆冷。或煩悶欲死。用香薷半兩。厚朴。黃連。黃豆。微炒。各一兩。川黃連五錢。炒。水五升。大碗煎。二碗。頓冷服。立効。○香薷飲。有牛蒡者。有火味者。有加黃連者。雖同爲祛暑之藥。然脾胃。腎俱虛之人。當以十味者爲準。除有肺熱咳嗽病者。去人參。白朮。黃耆。○治心煩。脇痛。連胸欲死者。用香薷搗汁二升。服。○治鼻衄不止。香薷研末水調服。一二錢。○治口臭。以香薷一把煎汁含之。○衍義云。治霍亂。香薷不可缺。用之無不効。

藿香。味辛。性溫無毒。氣厚。味薄。可升。可降。陽也。入手足太

陰經。

劉禹錫先生曰。藿香。生海國。及交趾。九真。武平。其古
番國。今峯南亦有之。二月。苗根而發。亦可。子種。苗似都
柔。方莖。叢生。中虛外飾。葉似荳蔻。在莖。莖有鋸齒。七月。作穗
開花。似蓼。房似銀蘇子。似芫荽。五六月。未作穗時。采莖
葉。乾。其芳。香。古人用藿葉。為能敷布。宜發。後世因藿
葉多低。并枝葉。用之。今校葉尤多。以耳。市家多曬。極花
葉。茄葉。充
不可不釋。

○藿香。溫中。快氣。開胃。健脾之藥也。然性味辛溫。稟清和
芬烈之氣。故主脾胃。進飲食。辟穢氣。為專用。凡嘔逆惡
心。而泄瀉。不食。或寒暑不調。而霍亂吐利。或風水毒腫
而四末虛浮。或山嵐瘴癘。而似瘧非瘧。或濕熱不清。而
吞酸吐酸。或心脾鬱結。而積聚疼痛。是皆脾胃虛寒之

證非此莫能治也。故海藏氏治寒痺于三焦。溫肺理脾。和肝益腎。意在斯歟。但氣味辛熱。雖能止嘔。治吐逆。若病因陰虛火升作嘔者。或胃熱作嘔者。或少陽溫病熱病作嘔者。或陽明胃家邪實作嘔。并作脹作瀉諸證。並禁用之。

葉正華先生曰。芬芳藿烈定寒暑二氣。交發爲祟。并中惡客忤。變亂于俄頃。致反正氣者。乃可立定。命名曰藿。考以此入烏藥順氣散。則理肺。入黃芪四君子湯。則理脾。入正氣散。治傷寒在表之邪。入桂苓甘露飲。治中暑。安吐瀉也。

宋方治氣逆不和。升降諸氣。用藿香葉一兩。香附子四

兩俱炒燥爲末。每服一錢。白湯調服。○治陰寒吐瀉并傷生冷者。用藿香葉一兩。廣陳皮五錢。丁香三錢。俱研細末。白湯調下。○治暑月吐瀉。用藿香葉五錢。滑石三錢。俱研細末。白湯調服。○治胎氣不安。氣不升降。嘔吐酸水。用藿香葉。香附。甘草。各二錢。廣陳皮一錢。共爲末。每服二錢。白湯下。○治口臭。用藿香葉煎湯。時時漱。

○續補集方。治久瘧久痢不止。用藿香。甘草。人參。茯苓。半夏。陳皮。厚朴。當歸。草薢仁。白朮。川芎。各一錢。烏梅二個。白芍藥一錢五分。水煎服。○瘧疾熱多。加柴胡。黃芩。各一錢。寒多加官桂七分。乾薑一錢。汗多加白朮。黃耆。知

母各一錢口渴加麥門冬天花粉各一錢五分胸中脹
悶加青皮砂仁各八分○痢疾腹痛加枳殼一錢木香
五分痛甚加川黃連一錢不食加麥芽神麴各二錢其
加減大畧瘧痢兩可互用此方係龔雲林先生常用便
手得効者故借而錄之

蘭草味苦辛性平無毒入手足太陰經 又名孩兒菊

藏器陳氏曰蘭草澤蘭一類二種也俱生水澤旁下濕地南北江所皆有二月宿根生苗成叢綠而微紫莖微方節短而葉有毛者為澤蘭非蘭草也若莖微圓節長葉對節生面光而邊有岐者是蘭草非澤蘭也蘭草高三四尺入九月後漸老枝頭成穗作花紅白色如雞蘇花久之花瓣轉白絨裂如毳毳中有子一粒絨密子上色黑味苦臭香氣烈禮記風悅蘭蕙楚辭紛秋蘭以為風西京雜記藏衣書中辟蠹皆此二蘭也李時珍曰離騷言其綠葉紫莖素枝可紉可佩可藉可蓄可浴鄭詩言秉蘭風俗通言尚書奏事懷香座蘭禮記言諸侯贊蕙大夫贊蘭漢書言蘭以香白燒也非若江浙之幽蘭葉如麥冬而春花無枝可紉而不可紛佩如若秉蕙藉如幽蘭蕙蘭有葉無枝可紉而不可紛佩如若秉蕙藉若膏其何所得取古之蘭草必花葉俱香而燥濕不變故可刈佩今之幽蘭惠蘭但花香而葉乃無氣質弱易萎不可刈佩必非古人所用甚明古之蘭係蘭草澤蘭今之蘭是幽蘭蕙蘭而似麥冬似菅茅者明矣熊太古言世俗之蘭生于深山窮谷夾非古時水澤之蘭也

○蘭草芳香馥郁開鬱行氣利水道之藥也本草謂殺蠱

本草彙言

八卷二蘭草

四

氣辟不祥除胸中痰癖等證實取其苦辛以散結滯芳香以除穢惡行氣通竅清肺消痰者也又東垣氏謂能生津液止消渴潤肌肉養營氣皆取辟邪氣以全真氣故也又按素問云五味入口藏于脾胃以行其清氣津液在脾令人口甘此肥美所發也設其氣不能上溢轉爲消渴治之以蘭除陳氣也陳氣旣除新液自生何消渴痰癖蠱氣之病有焉今人不恒用之實缺典也

○集方治蠱氣用孩兒菊莖葉搗汁一鍾生白濁清辰送
○治天時瘟疫癘氣用孩兒菊取葉寒具穢氣不染○
治胸中痰癖成積用孩兒菊取葉日乾舂碎煮湯代茶
飲○治胃氣不開用孩兒菊葉日乾藿香枇杷葉石斛

竹茹橘紅各等分水煮服。○治噎膈將成能下氣開鬱
用孩兒菊葉白豆蔻真鬱金真蘇子蘆根共煮汁磨沉
香數分每日飲之愈。○治消渴不止用孩兒菊天花粉
川黃連麥門冬竹葉煮湯和蘆根汁服。○治食牛馬肉
毒能殺人速用孩兒菊連莖葉根水淨煮湯服即解。

○十仙靈應散治男子陰濕陽痿每逢不舉用孩兒菊一
兩黑附子蛇床子紫稍花水菖蒲白芷海螵蛸木鱉子
丁香各二錢樟腦一錢五分共爲末每用五錢水五碗
煎三碗溫洗陰囊并濕處日洗二次畱水溫洗多洗更
好。○治鼻不聞香臭用孩兒菊晒乾羌活獨活升麻白
芷防風各一錢黃耆川芎白朮人參當歸各二錢甘草

川椒各六分。加黑棗三個。水煎服。○鼻淵者。膽移熱於腦。本方加辛荑。薄荷。連翹。去人參。

澤蘭味苦甘性溫無毒陰中之陽入足厥陰太陰經又名

都梁香

別錄曰澤蘭生汝南諸大澤旁故名出上便分枝梗細
高二三尺葉方而青紫色作圓梭葉生相對如菊葉而
笑長微有香枝葉間微有白毛七月作藍色純紫作花
色紫白根色青紫與蘭草同類異種故蘭草為大澤蘭
澤蘭名小澤蘭也但蘭草生水旁葉光潤根小紫五六
月盛而澤蘭生水澤中及下濕地葉尖微有毛不光滑
力莖紫節此為異耳陶氏曰多生濕地葉微香可煎油
潤髮及作浴湯今山中有一種甚相似葉但不甚香既
云澤蘭則山中出者為非市家多采出售不可不辨又
許州出者微香而無花

○澤蘭活血氣通關節消水腫之藥也治產後宿血積血

而癥瘕積聚或產後血阻而內銹上攻或大腹水氣而
面目虛腫或水留骨節而痿痺不通或肝鬱成勞而羸

瘦虛怯或脾滯面黃而舉動艱難凡血氣留滯等證用
澤蘭推陳致新不傷元氣爲婦人方中要藥李氏云其
氣香而溫其味辛而散脾喜芳香肝喜辛散脾氣舒則
三焦通利而正氣和肝鬱散則營衛流行而病邪解矣
總其洩熱和血行而兼補之功也○蘭草走氣道故能
利水道除痰癖殺蠱辟惡而爲消渴良藥澤蘭走血分
故能消瘀血去癥瘕治水腫而爲婦人珍方一類二種
功用少殊

繆仲淳先生曰苦能泄熱甘能和血專入血分攻擊積
留其主水腫者乃血病化爲水之水非脾虛停濕之水
也若脾虛土敗成水腫者寧敢輕投○根色紫黑名爲

地筴與粟根相同通血脈利九竅止產後腹痛產婦可作蔬菜食之婦科方中有澤蘭湯丸用之甚多除婦人產後他用甚少

沈則施先生曰按古書云二蘭須要辨識明白大澤蘭卽蘭草名孩兒菊也莖葉皆圓根色青黃能生血調氣養營氣小澤蘭卽澤蘭名都梁香也莖方葉斑根尖能破血通積但二蘭形色有殊用治迥別

集方治產後水腫用澤蘭葉漢防已等分爲末每服二錢醋湯下○治產後惡露不盡少腹作痛俗名兒枕用澤蘭葉炒黑豆炒乾薑當歸川芎熟地牛膝益母葉五靈脂蒲黃香附等冬寒加肉桂如內熱虛勞人去肉桂

五靈脂加鼈甲膠麥門冬沙參虛極加人參耆朮。○治小兒蓐瘡用澤蘭搗爛敷之。○治產後陰腫翻用澤蘭葉四兩煎湯薰洗三三次即安。

治心胃作痛嘔吐發熱胃脘有寒痰食氣也用澤蘭二

錢乾薑良薑官桂各一錢蒼朮木香茴香枳殼砂仁香

附玄胡各二錢俱醋炒加葱頭五個水煎服痛甚加乳

香沒藥四股厥逆脉沉伏加製附子。○如心胃痛日久

也本方去乾薑良薑木香加黑山梔川黃連黃芩甘草

○如痛久連膈膈背脇或有死血積滯或吐血強止內

有蓄積心胃作痛者前方加當歸桃仁數錢韭菜汁一

鍾和服。○如有蟲積前方加烏梅五個花椒三錢。○如

痛久不愈服辛熱藥過多太陽結滯宿垢不行者前方

去乾薑良薑加酒製大黃二錢。○一人久患心胃痛經

年不愈吳醫沈心田用澤蘭人參製附子各一錢五分

黃連五分烏梅二個一服即止。

益智子。味辛。性熱。無毒。可升可降。陽也。入手足少陰。手足

太陰四經。

陳氏曰。益智子。出崑崙國。及交趾。今嶺南州郡。往往有之。顧微廣州記云。葉似菱荷。長丈餘。根上有小枝。高七八寸。無花萼。另作葉如竹筍。子從心出。一枝有十子。叢生。形如小棗。核黑。皮白。核小者佳。含之能驅涎。穢或四破去核。取外皮。蜜煮為粽。味極辛美。晉人稱益智粽。卽此是矣。○草木狀云。益智子。三月連花着實。五六月方熟。子如筆頭。兩頭尖。長七八分。雜五味中。飲酒芬芳。亦可燻。曝及作粽食。顧微言。無花者誤矣。今之益智子。形如棗核。皮及仁皆如草豆蔻云。○李時珍先生曰。脾主智。此物能益脾胃。故名。與龍眼名益智義同。一說海南產益智子。花實皆長穗而分爲三節。觀其上中下節。以無歲早中晚。禾之豐凶。大豐則皆實小。豐則半實。大凶者不實。然罕有三節並熟者。

○益智子。養胃扶脾。溫中暖腎之藥也。蓋脾土之爲性得

芳香高揚則行。遇鬱閉卑寒則塞。又脾爲倉廩之司。胃

爲水穀之海。胃主受納。脾主消導。一納一消。運行不息。
則心脾肺腎。通相滋生。皆藉脾土之氣以榮養也。不善
調理者。飲食失節。寒熱不調。則脾胃受病矣。益智辛香
溫達。使鬱結宣通。陰退陽行。古方進食開胃藥中。必用
益智。爲其于土中能益火故耳。觀開寶方。能安神益氣。
乃養心肺之陽也。通利三焦。乃調諸氣之滯也。若遺精
若虛漏。若小便餘瀝。諸病用此。辛香溫清之性。乃固之
瀦之止之之意也。然施于老人陽虛。命門火衰。脾腎虛
冷者。合宜。若少壯火盛陰虛。龍火方熾。而爲遺精。爲虛
漏。爲小便餘瀝者。禁之。

王紹隆先生曰。經言心藏神。肝藏魂。肺藏魄。腎藏志。然

四藏各守神則一。而獨脾舍神有兩。曰意與智也。然意者脾土之體。智者脾土之用。能益脾土之體。用故名益智云。日華子謂客寒犯胃。嘔吐自利。胃衰脾冷。食飲不入。腸府氣陷。大便久滑。腎氣衰虛。遺精虛漏。小便餘瀝。蓋脾腎以陰爲體。以陽爲用也。此藥味辛氣溫。功齊火熱。故能養胃扶脾。溫中暖腎者。以此若與參耆苓朮並用。培補土元。與鹿茸枸杞肉桂同用。添續陽髓。有何精遺瀝漏之不止乎。

劉默齋先生曰。益智辛溫。陽藥也。主君相二火之正氣入脾。肺腎三經在四君子湯。則入脾。在集香丸。則入肺。在鳳髓丹。則入腎。三經而互有子母相關之義。

○集方治脾腎虛弱胃敗不能飲食用益智子人參黃耆
白朮砂仁廣陳皮穀芽○治心虛神怯睡中多魘夢用
益智子人參川黃連薑半夏酸棗仁石菖蒲白茯苓柏
子仁白朮當歸身硃砂羚羊角各等共爲末每睡時服
二錢燈心湯下○治老人腎陽不固無故遺精或滑泄
或小便後時時滴瀝或白濁用益智子人參鹿茸枸杞
子肉桂附子懷熟地麥門冬赤石脂龍骨牡蠣粉各等
共爲末蜜丸梧桐子大每早晚各服三錢白湯下或少
年人本元虛冷無陽者亦可用此不在禁例○治小便
頻數脬氣不足也用益智子鹽炒去鹽台烏藥各等
共爲末山藥粉打糊爲丸梧子大每早服三錢白湯下

○治客寒犯胃嘔吐自利用益智子倍用吳茱萸湯泡
二次肉桂木香白朮蒼朮各等俱微炒燥爲末每早晚
各服三錢好酒下○治腹脹忽瀉日夜不止諸藥不效
此氣脫也用益智子二兩濃煎飲之立愈○治勞形勞
神脾腎心氣久傷或傷饑失飽飲食失節用資生丸或
歸脾湯方中倍加益智子大効○治崩血大衝或吐血
盈盆用人參一兩益智子五錢濃煎冷服立止

○續補集方

方係正統

治痰飲濕熱火鬱三者滯于胃口。爲嘈雜病。

者用益智子半夏陳皮茯苓各一錢五分甘草七分黑

山梔黃連黃芩厚朴砂仁香附子白豆仁各一錢麥葉

三錢加生薑二片食鹽一分水煎服。○治胃虛有寒痰

成暖氣者用益智子乾薑肉桂半夏陳皮人參白朮各

二錢甘草七分俱用酒拌炒水二碗煎一碗溫和服有

挾火鬱者即本方加薑汁炒黃連一錢。○治婦人暖氣

胸緊連十餘聲不盡暖出氣心頭畧寬不暖即緊是火

挾氣鬱也。用益智子莖水檳榔青皮瓜蒌仁蘇子各一

兩黃連薑汁炒二兩枳實麩炒黑山梔香附醋拌炒各

四兩共爲細末水發爲丸梧子大每早晚各食後服三

錢白湯送下。

高良薑味辛。性大熱。無毒。純陽浮也。入足太陰陽明經。

荀氏云。此薑始出高良郡。故名。今嶺南諸州。浙閩諸處。及黔蜀。皆有之。春末始發。葉叢生。葉瘦如碧。莖未開花。先抽一幹。有大籜包之。籜折花見。一穗數十莖。淡紅鮮妍。如桃杏花。莖重則下垂。如葡萄。又如火齊。瓔珞。及剪綵。驚枝之狀。有花無實。不與草豆蔻同種。每莖有兩瓣相並。如比目連理也。蘇氏曰。山嶺南者。形大虛軟。出江左者。細緊。亦不甚辛。其色則二三月采根。形氣與杜若相似。春生莖葉。如山薑。莖高一二尺。花紅紫色。如山薑花。結子名紅豆蔻。

○高良薑祛寒濕溫脾胃之藥也。別錄方。主冬月卒中寒。冷陰寒霍亂。腹痛瀉利。及胃寒嘔吐。山嵐瘴癘。逆冷諸證。若老人脾胃虛寒。泄瀉自利。婦人心胃暴痛。因氣怒。因寒痰者。此藥辛熱純陽。除一切沉寒痼冷。功與桂附同等。苟非客寒犯胃。胃冷嘔逆。及傷生冷飲食。致成霍

亂吐瀉者不可輕用。如胃熱作嘔傷暑霍亂火熱注瀉心虛作痛法咸忌之。

葉正華先生曰古方治心脾疼多用良薑寒者與木香肉桂砂仁同用至三錢熱者與黑山梔川黃連白芍藥同用五六分于清火藥中取其辛溫下氣止痛有神耳若治脾胃虛寒之證須與參耆半朮同行尤善單用多用辛熱走散必耗沖和之氣也。

○集方治冬月中寒霍亂吐利逆冷不溫用高良薑二兩酒半升煮滾五六沸頻頻服。○治胃寒嘔吐并治泄瀉逆冷不溫用高良薑白豆蔻白朮各五錢黑大棗五枚煨水二大碗煎七分服。○治山嵐瘴癘兼吐瀉逆冷者

用高良薑草菓仁炒薑製半夏厚朴蒼朮炒各三錢烏梅三枚煎服。○治老人虛寒多瀉用高良薑補骨脂乾薑於白朮各三錢炙甘草五分人參三錢水煎服。○治脾虛寒瘧寒多熱少飲食不思用高良薑切片麻油拌炒炮薑各一兩共爲末每服五錢用猪膽汁調成膏臨發時熱酒沖服立驗。○治風牙腫痛用高良薑三錢全蠍一箇焙共爲末搽之吐涎以鹽湯漱口立効。

方脈正

○治一切滯氣。心腹脹悶疼痛。脇肋脹滿。嘔吐酸水。痰涎。頭目眩暈。并食積酒積。及米穀不化。或下利膿血。大小便結滯不快。或風壅積熱。口苦咽乾。涕唾稠粘。此藥最能推陳致新。散鬱破結。活血通經。治氣分之聖藥也。用高良薑。檳榔。黃連。木香。枳殼。青皮。莪朮。各一兩。黃柏二兩。香附大黃各三兩。俱用酒拌炒。磨為細末。加黑牽牛頭末四兩。水發丸。如梧桐子大。每服一錢五分。臨臥時淡薑湯送下。以利為度。

尤上吐下瀉

八參白朮茯苓薑香木香

肉豆蔻各一

肉豆蔻味辛性溫無毒入足太陰手陽明足陽明經。

陳氏曰肉豆蔻即肉果生崑崙及大秦國中國無之今
嶺南人得種種蒔矣春生苗夏抽莖開花結實酷似草
豆蔻皮肉之類則不同其類外有皺紋內有斑縕紋宛
似似榔榔紫白相間以油色肥實者佳枯白瘦虛者劣修
製用麥麴熬湯和搜團裹其實揀火中煨熟去麴明

○肉豆蔻暖胃消食止洩瀉之藥也凡病寒中積冷陰寒
霍亂嘔吐涎沫心腹脹痛中惡冷氣大腸滑泄及小兒
胃寒乳食不消或吐乳或下瀉諸證此藥其氣芳香其
味辛烈其性溫散故入理脾胃藥中療寒滯爲要劑爲
和平中正之品通宿食而不傷非若枳實萊菔子之有
損真氣也下滯氣而不峻非若香附大腹皮之有泄真
氣也止泄瀉而不澁非若訶子罌蓂殼之有堯塞掩伏

而內閉邪氣也。日華子稱爲寒可散。邪可逐。滯可行。泄可止。實可寬。虛可補。斯言厥有義哉。○如大腸素有火者。中暑熱氣火之邪。熱泄暴注者。濕熱積滯方盛。痢疾初起者。皆不宜用。

沈則施先生曰。肉果溫中補脾。而兼運化。治傷食瀉利。大有殊効。

○集方治腎泄及冷泄。用肉果。麵裹煨熟。砂仁。人參。補骨脂。吳茱萸。北五味子。○治胃氣不和。宿食不消。新食不進。大便久瀉。用肉果。砂仁。厚朴。人參。白朮。紅麴。麥芽。穀芽。藿香。廣陳皮。○治冷痢久不止。腹痛不能食。用肉果一兩。去皮。米醋和麵裹煨。搗細。粗紙內去油爲末。每用

一錢。米湯下。○治陰寒霍亂吐利。用肉豆蔻麴麴裏煨研去油爲末。冷薑湯調服一錢。○公子登席散。用肉豆蔻去油爲末。棗肉爲丸。服一二錢。砂仁湯下。其開胃進食消導之功烈矣。○治久瀉不止。用肉豆蔻煨熟去油。一兩。熟附子五錢。木香二錢。棗肉丸。米湯下二錢。○治小兒泄瀉。用肉豆蔻火煨去油。六錢。乳香二錢。生薑五片。同炒黑色。去薑。研爲膏。丸如菉豆大。每量大小。米飲下。○脾腎雙補丸。治天明腎泄。用肉豆蔻車前子各十兩。人參蓮肉兔絲子北五味山茱萸肉補骨脂巴戟天懷山藥各一觔。廣陳皮縮砂仁各六兩。俱炒燥黃爲末。饴糖爲丸。如菉豆大。每服五錢。早晚各食前服。如元虛而

有火者或火盛肺熱者俱去人參肉豈菟巴戟天補骨
脂無錫秦公安思中氣虛不能食食亦難化時作泄瀉
胸膈不寬一醫誤投青皮枳樸等破氣藥下利完穀不
化面色黯白仲淳即用脾腎雙補丸一料而愈○一人患泄瀉凡食一應藥弗效蔬菜入喉覺如針刺下咽即辣因而
滿腹絞辣隨覺腹中有氣先從左升次從右升氣既升
腹即欲登廁彈響太泄糞門恍如火灼一俾方畢一陣
繼之更番轉側踰時方得離廁視所泄俱清水盈盆
白脂上浮藥粥及蔬菜俱不化而出甚至夢中大泄
不收攝諸醫或云停滯或云受風或云中暑百藥無效
竟如沃石月餘大肉盡脫束手待斃診其脈洪大而數
知其為火熱所致以川黃連三錢為藥二錢煎水服
服即止

草豆蔻。味辛甘苦。性熱。無毒。浮也。陽也。入足太陰陽明。

經。

別錄曰。草菓生南海及交趾。今嶺南皆有之。苗似薑。葉似山薑。仕者根似高良薑。氣如樟木香。二三月間花作穗。房生于莖下。嫩葉卷之而生。初如芙蓉花。綴紅穗。頭淺色。其葉漸廣。花漸出。而色漸淡。亦有黃白色者。南人多采花以爲果。尤貴其嫩者。并穗入鹽淹。煙鹽作漿。不散。又以木槌花同浸。散其色紅。剖其結實。至秋成殼而堅。秋方老。殼方黃。若龍眼而銳。皮殼厚有稜。如梔子稜。無鱗甲。皮中子通。綴如白豆蔻。多精。夏月熟時。采之暴乾。入甕。剝殼取子。用李氏曰。草豆蔻菓。雖是一物。細分辨。殼有不同。今建寧所產草豆蔻。大如龍眼。而形殼長。其皮黃白。薄而有稜。嶺其仁大如縮砂仁。其氣辛香。而和真廣所產草菓。長大如訶子。其皮黑厚而稜密。其仁粗而味辛。與如麻發之氣。廣人取生草豆蔻。入梅汁。鹽漬。令紅。暴乾。薦酒。其初結小者。名鸚哥舌。元初飲膳。皆以草豆蔻爲上供。南人復用一種山薑。實僞充草豆蔻。其形圓而粗。氣味辛猛。而不和。不可不辨。凡入藥用。須取蒂帶皮連仁者。打碎。微炒黃。再拌細用之。

○草豆蔻和中暖胃消宿滯之藥也。專主中膈不和吞酸吐水心疼肚痛泄瀉積冷。凡一切陰寒壅滯之病悉主治也。其功用與白豆蔻相同。白者入脾胃復入肺經行氣而又有益氣之妙。辟者僅入脾胃二經長于利氣破滯而已。

○集方治傷寒濕暑氣或停積水藁油膩魚麵酒茶一切外感內傷癰痢瘴氣爲嘔吐爲痞脹爲噫噦諸證用草豆蔻五錢蒼朮厚朴陳皮甘草各三錢俱炒燥研細末每早晚各服三錢濃煎薑湯調下。

草薺仁。味辛苦。性熱無毒。浮也陽也。入足太陰陽明經。

陳延采先生曰。生閩廣。長大如荔枝。其皮黑。厚有直紋。肉子大。粗成團。凡入劑。取子剉碎用。但其氣熏人。最辛烈。夏月造生魚鱸。每多用此釀成。故食饌大料方中。必仗此為要品也。

○草果仁。治脾胃寒濕。逐癥瘕之藥也。蓋脾胃喜溫而惡

寒。喜燥而惡濕。喜利而惡滯。喜香而惡穢。草果氣味香辛而熱。香能達脾。辛能破滯。熱能散寒。與濕故凡濕鬱于中。胸滿腹脹。濕積于脾。吞酸吐酸。濕聚于胃。嘔吐惡心。濕蒸于內。黃疸黃汗。是皆濕邪之為病也。又有避暑受涼。而為脾寒癘瘕。或中寒感寒。而為腹痛吐利。或食瓜桃魚腥生冷。而為冷積泄瀉。是皆寒與濕之為病也。用草薺並能治之。又思東南土地卑下。每多山嵐霧瘴。

又因飲啖魚腥水果酒茶粉麵脾胃常多寒濕鬱滯之病故服食草果與之相宜。或云草果治濕之功大治脾之効速常與知母同用治瘴瘧寒熱有驗蓋草果治太陰獨勝之寒知母治陽明獨勝之熱正以一陰一陽合用無偏勝之虞也。但草果性熱味辛本是祛寒散濕破滯消食除瘴之藥。凡瘴疾由于陰陽兩虛不由于瘴氣者心痛胃脘痛由于火而不由于寒濕飲食瘀滯者泄瀉暴注口渴由于暑熱不由于魚腥生冷傷者痢疾赤白後重裏急小水不利因作脹滿由于暑氣濕熱不由暑氣濕寒者皆不當用。用之增劇。

參仲醇先生曰草果仁能消一切宿食開拓中焦滯氣

故人參養胃湯配之。

藥性論云。草薢仁單用。能主一切冷氣。

李時珍先生曰。草薢治病。取其辛熱浮散。能入太陰陽明。除寒燥濕。開鬱化食之力而已。

葉正華先生曰。草薢辛溫。能散滯氣。膈上冷氣。痰若明知身受寒邪。口食冷物。胃脘作疼。方可溫散。用之捷如影響。或濕痰鬱結者亦効。若熱鬱者不可用。必用梔子之劑。

○集方治氣虛癰瘡。寒多熱少。或單寒不熱。或大便泄而小便多。不能食者。用草薢仁二錢。熟附子一錢。生薑七片。黑棗三枚。煎服。○治脾胃兩虛。虛寒泄瀉。用草薢仁

大茴香。吳茱萸湯炮。三。次。補。骨。脂。胡。盧。巴。山。茱。萸。肉。各
一。兩。俱。炒。黃。爲。末。飴。糖。丸。梧。子。大。每。早。晚。各。服。三。錢。人
參。湯。下。

補骨脂味辛氣香性熱無毒陽中微陰降多升少入手厥陰足太陰及命門諸經。

王景雲先生曰補骨脂卽破故子也生波斯國及嶺南諸州今嶺外山坂間多有之四川合州亦有皆不及番舶者佳莖高三四尺葉尖小似薄荷花微紫色實如麻子圓扁而黑九月采其性強須用鹽酒浸一宿微炒川

○補骨脂補腎命暖丹田壯精髓之藥也夫腎與命門水

火真陽之所司也何也第腎有兩枚而命門又居兩腎

之中脊骨十四椎之間與臍相對人身真陽之精于此

藏焉火之源也取象于坎以一陽居于二陰之間耳陰

陽和平則水火交濟而無患矣陰陽離決人變病焉如

陽虛腎冷精道不固而自流或脾腎衰敗大使虛瀉而

久泄或肝腎流濕陰囊濕漏而浸淫或風濕冷痺腰膝

不用而痿癭等証用補骨脂辛香而熱以鹽酒浸炒香熟使鹽入腎經酒行陽道香則通氣熱則溫補故四神補腎諸丸內加此藥以治脾腎虛寒者用無不驗凡病陰虛火動者陽事衰舉者夢遺尿血者小便短赤者口苦舌乾者大便燥結者肉熱作渴者火升目赤者心嘈易饑者溫熱成痿以致骨乏無力者均不宜用

楊士行先生曰古書言今人多以胡桃肉合服用補骨脂十兩如前法修製搗篩令細用胡桃肉二十兩湯炮去皮細研如泥以飴糖和丸梧子大溫酒服之入則益氣明目悅顏色延壽年補健筋骨但禁芸薹菜羊血餘無所忌按白飛霞方云補骨脂屬火收斂神明能使心

胞之火。與命門之火相通。使元陽堅固。骨髓充實。滋以治脫也。胡桃屬木。益命門補三焦。油潤以利血脉也。佐破故子有木火相生之妙。孫真人言補腎不若補脾。又云補脾不若補腎。腎氣虛弱。則陽氣衰少。不能薰蒸脾胃。脾胃氣寒。令人胸膈痞塞。飲食難入。雖強進。終遲于運化。或腹脇虛脹。或嘔吐痰涎。或腸鳴泄瀉。譬之釜中之物。無火力。雖終日不能腐熟。故濟生二神丸治脾胃虛寒泄瀉。用補骨脂補腎。肉豆蔻補脾。二藥雖皆補二藏之陽。但無斡旋培養之力。加木香以順其氣。使之斡旋運動。或加人參以充其氣。使之培養元基。則倉廩開通。水穀行運。而脾胃自能受物消物矣。

繆仲淳先生曰。胃猶釜器也。腎命猶火薪也。補骨脂稟
火土之氣而生。專暖水藏。壯火土。能補腎命真陽之氣。
真陽之氣得補而上升于胃。則能腐熟水穀。下應于脾。
則能蒸糟粕而運化精微。以榮養五藏之陽。如胆之陰
濕而不食。腎之寒冷而精流。心之怯悸而默默。大腸虛
陷而溏泄。婦人血冷水帶而腹疼。皆無陽也。此藥辛香
燥烈。能起脾腎命門之陽氣。則五藏諸寒之病自除矣。
若施于腎虛陰虛。血虛火盛者。反致取咎。豈云五勞七
傷。藥可乎。

○集方治陽虛腎冷。精道不固。用補骨脂。酒浸一宿。青鹽
炒。各二兩。兔絲子。酒炒。三兩。黃耆。白朮。肉桂。石斛。各一

兩草薺四兩。共爲末。煉蜜丸。每早服三錢。○治脾胃虛。天明澹泄。久泄。用補骨脂酒製。肉豆蔻去油。白朮土拌炒。訶子肉去油。吳茱萸湯炮二次。去苦味。肉桂炙。甘草各一兩。○治肝腎虛寒。濕氣下流。陰囊濕漏。多水。用補骨脂酒浸一宿炒。於白朮土拌炒。各四兩。蒼朮米泔水浸炒。一兩。小茴香三兩。○治風濕寒氣襲于足三陰經。腰膝痠疼。用補骨脂酒浸一宿。草薺。防風。牛膝。木瓜。虎骨。當歸。川芎。羌活。白朮。蒼朮。薑黃。甘草。海桐皮。桂枝。酒煎溫和服。○治婦人陽氣不足。精神疲敗。白帶白淫。用補骨脂酒浸炒。四兩。當歸。白朮。人參。各一兩。肉桂。藥本。白芍藥。枸杞子。各二兩。龍骨細末。八錢。○治腎氣虛。

寒小便無度用補腎脂酒浸一宿小茴香鹽水炒各一兩共爲末每服三錢丸散湯三法皆可治○腎虛牙痛日久用補腎脂三兩青鹽一兩共炒勻爲末每服二錢丸散湯三法隨用○治風蟲牙痛上連頭腦用補腎脂五錢乳香二錢炒研擦之或爲丸塞孔內○治打墜腰痛瘀血凝滯用補腎脂三兩酒浸半日晒乾炒大茴香炒三兩肉桂一兩不見火共爲末每服二錢丸散湯三法隨用

荆芥氣香。味辛。性溫無毒。升也。陽也。入足厥陰。足少陽。

明經。氣分藥也。

寇氏曰。荆芥本草呼爲假蘇。又云。藍芥。因其氣味辛芳。如蘇。如藍。如芥也。今在處有之。多野生。古方稀用。今爲俗尚。遂多栽蒔。二月布子生苗。方莖細葉。葉狹小而色淡黃。若綠。似落蘿而細。初生炒食。香辛可嗽。或作生菜。八月開小花。作穗成房。房內有細子如葶藶子。色黃赤。連穗收用。又有胡荆芥。生北地。又有石荆芥。生山石間。體性相近。入藥亦同。

○荆芥輕揚之劑。散風清血之藥也。以散主傷風肺氣不清。喉

風腫脹。難開頭風。腦痛眩暈。血風產後昏迷。痰風卒時

仆厥。驚風手足搖。目風腫澁流淚。濕風黃疸。悶滿熱

風斑疹痘瘡。疥疥疔瘡。并寒熱鼠瘻。癰癰生瘡之類。凡

一切風毒之證。已出未出。欲散不散之際。以荆芥之生

用。可以清之。又腸風便血。崩中淋血。暴吐衄血。小腸溺血。凡一切失血之證。已止未止。欲行不行之勢。以荊芥之炒黑。可以止之。大抵辛香可以散風。苦溫可以清血。爲血中風藥也。但氣味香辛而發。主升主散。不能降下。亦不能收入。凡病表虛有汗者。血虛寒熱者。氣虛眩暈者。老人腎陽虛而目昏流淚者。少年陰虛火炎。因而面赤頭痛者。咸宜禁之。

繆仲淳先生曰。荊芥輕揚。得春氣而善走散。春氣升。風性亦升。故能上行頭目。風木通肝。故能達肝氣。行血分而去血分之風。辛以散之。溫以行之。若風痰若血暈。若斑疹。若痘黃。若目障流淚等疾。皆藉此以流通也。

○棗方治傷風寒。肺氣不清。咳嗽氣促。用荊芥。薄荷。杏仁。紫蘇葉。桑白皮。桔梗。生薑。葱白。煎服。如傷風熱。咳嗽氣促。聲啞者。用荊芥。薄荷。玄參。乾葛。杏仁。黃芩。桑白皮。連翹。鼠粘子。桔梗。甘草。○治喉閉腫脹。水飲不下。用荊芥八兩。水五六碗。煎汁二碗。徐徐飲之。立消。○治頭風痛攻腦中。用荊芥。天麻。防風。白芷。各一錢。甘草六分。全蠍五箇。水煎服。○治一切偏風。口眼喎斜。用生荊芥一觔。生薄荷一觔。同搗汁。于磁器中熬成膏。配入天麻。茯苓末。以膏和丸。如梧桐子大。每服百丸。白湯下。○治產後血風眩暈。用荊芥八兩。當歸。川芎。各二兩。共爲末。每服三錢。白湯調服。○又方用荊芥搗汁。加童便少許。

立甦血暈。

○治中風口噤。

用荊芥穗爲末。白湯調服三

錢。立効。

○治風痰卒時仆厥。

痰涎壅塞。

用荊芥。

蠶蠶全

蠍膽星。

半夏陳皮各一錢煎服。

○治小兒卒患驚風。

手足搐搦。

目睛不正。

用荊芥。

蠶蠶膽星。

半夏天竺黃。

川黃連。

薄荷鈎藤。

○治肝經風熱。

眼澁流淚。

用荊芥。

玉竹防

風草。

決明。

川芎白芷。

生地牡丹皮。

○治風濕熱。

蒸肝鬱

成疔。

用荊芥。

秦艽茵陳。

防風猪苓。

茯苓黑山梔。

川黃連。

○治熱風斑毒。

用荊芥。

玄參黃芩。

防風羌活。

薄荷桂枝。

減半。

○治痘瘡已出未透。

用荊芥。

蟬退牛蒡子。

桔梗甘

草。

川芎山查。

防風。

痘加紅花。

蠶蠶。

○治一切瘡疥。

用荊

芥。

金銀花。

土茯苓。

等分爲末。

熟地黃。

熬膏爲丸。

梧子大

芥。

每早晚各服百丸。茶酒任下。○治腸風便血不拘糞前
糞後。用荆芥炒黑。槐花畧炒。蒼朮。米泔浸。熟地黃。酒蒸。
北五味。炒。各等分。炮薑減半。共爲末。煉蜜丸。梧桐子大。
每早服五錢。白湯下。○治女人血崩不止。用黑荆芥。牡
丹皮。玄胡索。醋炒。人參。當歸。川芎。白芍藥。甘草。熟地黃。
各等分。水煎服。或作丸亦可。○治男婦血淋尿血。用荆
芥。牡丹皮。茜草。川黃連。薄荷。生地黃。甘草。等分。煎服。或
作丸亦可。○治吐血。衄血。暴出不止。用荆芥。四兩。生地
黃。三兩。白芍藥。一兩。水十碗。煎三碗。徐徐服。○治產後
衄血。用荆芥。水煎。童便和服。○治婦人產後中風口噤。
手足瘳癱如角弓。或產後血暈。不省人事。四肢強直。或

心眼倒築。風縮欲死。或兼吐瀉。用荊芥穗微焙爲末。每服三錢。童便調服。口噤則挑齒灌之。眼噤則灌入鼻中。其効如神。大抵產後虛甚。則汗出而腠理疎。易于中風也。○治產後迷悶。因怒發熱而得者。用荊芥穗半炒半生。爲末。童便調服。二錢。若角弓反張。用豆淋酒下。或童便煎服。極妙。蓋荊芥乃產後要藥。而角弓反張。乃婦人急候。得此證者。十存一二而已。○倒換散。治癰閉不通。小便急痛。無問久新。用荊芥。大黃爲末。等分。小便不通。大黃一錢。荊芥二錢。大便不通。荊芥一錢。大黃二錢。白湯調服。○治癰癰潰爛。牽至胸前兩腋。塊如茄子大。或牽至肩。上。四五十年不能療者。其項不能回顧。用此數日。

減可。如瘡爛破者。用荆芥根下一段。剪碎煎沸。待溫洗。良久。看破爛處紫黑。以針一刺去血。再洗三四次。愈。用樟腦雄黃等分。爲末。麻油調。鴨羽掃上。出水。次日再洗。再掃。以愈爲度。○治小兒病風寒煩熱。有痰。不省人事。用荆芥穗五錢。焙爲末。加片腦五釐。每用薑湯調服五分。

○治腸風便血。不問新久。及糞前糞後。皆可服。用荆芥四兩。炒黑。槐角三兩。蒼朮米泔水浸炒。黃柏防風當歸川芎。懷熟地。山茱萸肉。白芍藥。各二兩。升麻細辛各八錢。分作十劑。每劑加蓮子十枚。水二碗。煎八分。食前服。○治婦人腸風便血。用荆芥四兩。炒黑。當歸川芎。白芷。地

丹皮川續斷白朮黃耆香附童便浸晒乾白薇杜仲各二兩共爲末煉蜜丸每服三錢食前白湯送下。

治脫肛翻出不收有寒有熱凡瀉痢內熱氣虛或老人氣血虛憊或產婦用力過度或小兒藏氣不足氣陷不舉俱有脫肛證也以參耆湯加減用荆芥人參黃耆當歸生地黃白朮白芍藥茯苓升麻桔梗陳皮各一錢甘草五分黑棗頭十個水煎服內熱如黃芩黃連各一錢內寒加乾薑肉桂各一錢二分小兒減半。

紫蘇味辛甘性溫無毒升也陽也入手少陰太陰足陽明

經

李時珍先生曰紫蘇處處有之喜生水旁春二月以子
種或子著地間次年自發莖方葉圓葉端有尖邊作鋸
齒肥地者其葉面背色俱紫瘠地者僅背紫而面青七
八月開花紅紫色成穗作房結實如芥子臭香色褐鴉
之綾液作油甚甘美燃燈極明亮也若葉而背俱色白
者即荏苒名白蘇也子不甚香而葉頗辛若葉面青背
白者即荏苒也葉上有毛而氣臭又有魚蘇即荏苒同
類狀似茵陳葉大而香廣人用煮魚食又有雞蘇名回
回蘇莖葉俱紫葉邊鋸齒極細密葉面縱紐如剪絨狀
宛如雞冠因名雞蘇即紫蘇之同種而異形者治瘧諸
疾亦相同也凡用蘇五月采葉七月采莖九月采實各
取得氣之全今市中莖葉多霜後採取此已藁之本氣
味俱失効不及也○夏月取紫蘇嫩葉日
乾和鹽糖梅酒作蔬食甚香美可烹茶飲

○紫蘇散寒氣清肺氣寬中氣安胎氣下結氣化痰氣乃

治氣之神藥也蓋蘇者疎也舒暢蘇之謂也一物有

三用焉。如傷風傷寒。頭疼骨痛。惡寒發熱。肢節不利。或脚氣疝氣。邪鬱在表者。蘇葉可以散邪而解表。氣鬱結而中滿痞塞。胸膈不利。或胎氣上逼。腹脇脹痛者。蘇梗可以順氣而寬中。設或上氣喘逆。蘇子可以定喘而下氣。痰火奔迫。蘇子可以降火而清痰。三者所用不同。法當詳之。

茹貞仲先生曰。紫蘇葉味辛。入氣分。色紫入血分。氣香入脾胃。性溫去寒。瘴體輕則行陽道。用散則發鬱滯。故同橘皮砂仁。則行氣溫中。同當歸川芎。則和血散瘀。同藜朮白朮。則健脾散濕。同防風前胡。則發汗解肌。同荆芥薄荷升麻。則升達巔頂之陽。同連翹木香黑山梔。則

啓拔沉滯之鬱。乃宣通四旁之藥也。但其氣味芳辛而溫。具陽和之性。善發散解肌出汗。爲治功。若屬陰虛。因發寒熱。或惡寒及頭痛者。慎勿投之。以病宜欽。宜補。故也。火升作嘔作喘者。亦不宜用。惟可用子。如腸滑氣虛者。子亦勿用。

○集方治傷風傷寒。頭疼骨痛。惡寒發熱。或脚氣疝氣類傷寒者。用紫蘇葉羌活。前胡。防風。厚朴。乾葛。脚氣加木瓜。山查。玄胡索。疝氣加青皮。木香。小茴香。○治霍亂腹滿。未得吐下。用生紫蘇。搗汁飲之。或乾蘇葉煮汁。冷飲亦可。○治中氣不運。胸膈不利。或腹脇脹痛。或胎氣不安。用蘇梗。烏藥。柴胡。白朮。茯苓。陳皮。黃芩。砂仁。○治上

氣喘急。痰咳。不利用蘇子。白芥子。杏仁。橘紅。半夏。麩。川貝母。白前。茯苓。黃芩。天花粉。元氣虛者。加入參。白朮。麥門冬。○治氣虛發喘。用蘇子。合四君子湯。○治陰虛發喘。用蘇子。配六味地黃湯。加麥冬。知母。○治上氣痰逆。用紫蘇子。入水研。濾汁。同白米煮粥食。○治風濕脚氣。并一切冷氣。用紫蘇子。良薑。陳皮等分。蜜九。梧子大。每服五十九。空心酒下。○治大腸風閉。不大便。用紫蘇子。麻子仁。各一升。微炒。杵以生絹袋盛。以白湯絞汁。塗續飲之。

荏苒 味辛 苦性溫 無毒 入手足太陰經

蘇子 蘇子之色白者別錄主欬逆下氣溫中去臭氣令

薺蘇味辛苦。性溫無毒。入手足陽明經。

即蘇之色青者。陳藏器主
治氣。洩痢。除胸中酸水。

盧不遠先生曰。三蘇同一種類。但有家時野生。及色香
氣味之殊。故主治功力似異而同也。皆宜于水。質都柔
潤。雖色香氣味稍分厚薄。而辛溫芳烈則一。當以本經
紫蘇爲正。顧蘇之有往有薺。若朮之有蒼有白也。

薄荷味辛甘苦氣香涼性溫燥無毒氣味俱薄浮而升陽

也入手太陰少陰經氣分藥也

李時珍先生曰薄荷多栽畦亦有野生者莖葉氣味皆相似也經冬根再發二月抽苗清明分株排種方莖赤節兩葉對生可則圓長久則葉端漸銳似正蘇葉草輩夏秋采取日曬乾用先明以蘇水洗灌俟雨後刈收辛香殊絕不爾氣味不辛涼也○蘇氏曰薄荷處處有之惟蘇州產者莖小葉細香勝諸方宛如龍腦即種龍腦薄荷江右者莖肥蜀漢者更肥入藥總不及蘇產者良吳越川湖以之代茗一種葉圓小如錢補金錢薄荷兒科多用之一種葉微小耐霜雪至冬莖葉純紫生江南山石間一種胡薄荷形狀無異但味小甜多生江浙新薄荷同蘇葉莖清爽可口疲弱人久食動清渴病新病瘥人勿食令虛汗不止○蘇氏曰薄荷為酒也○薄荷辛涼發散清上焦風熱之藥也主傷風咳嗽熱癰痰盛目風珠赤隱澀腫痛賊風關節不利頭風頭皮作疼驚風壯熱搐搦喉風咽痛腫閉等病蓋辛能發散涼

能清利專于消風散熱故入頭而眼耳咽喉口齒諸經
及小兒驚熱風痰爲要藥唐本草主賊風傷寒發汗惡
風心腹脹滿霍亂宿食不消等疾亦取辛涼香散之意
云爾如病人汗多表虛者咳嗽因肺氣虛寒而無熱者
陰虛發熱盜汗并氣虛血虛頭痛者皆不宜用
繆仲淳先生曰薄荷食療方謂能去心家熱故爲小兒
驚風風熱家爲要藥辛香走散又主傷風頭腦風通關
節故逐賊風發汗者風從汗解也

虛不遠先生曰氣溫性涼其轉夏成秋爲高爽清明之
象則氣有餘自與薄弱虛寒陰營不足者不相類也第
氣象燥金儼陽明之上爲病併在所忌

沈則施先生曰。輕清涼薄。虛揚上達。故能去高巔及皮膚風熱。又能引諸藥入營衛。故能發散風寒。行關節而祛賊風。

○集方治咽膈不利。風熱痰結。用薄荷爲末。煉蜜丸。葵子大。每嚥化一九。○治肺傷風熱。咳嗽痰盛。用薄荷五錢。杏仁。蘇子。前胡。桑皮。桔梗。荆芥。黃芩。各一錢。水煎服。○治風熱侵肝。眼赤弦爛。用薄荷。荆芥。防風。甘草。柴胡。生地黃。煎服。外用薄荷葉。以生薑汁浸一宿。晒乾爲末。每用一錢。沸湯泡洗。○治風入筋骨關節疼痛。或成痿痺。用薄荷葉四兩。革薺。威靈仙。金銀花。虎骨。當歸。羌活。獨活。桑寄生。三蠶沙。白朮。薑黃。各二兩。草烏八錢。炒黃浸。

酒服。○治頭風頭痛用薄荷葉天麻真川芎當歸黑山

梔膽星防風各等分水煎服。○治小兒驚風壯熱搐搦

用薄荷葉荆芥蠶蠶膽星半夏天竺黃川黃連鉤藤前

胡○治咽喉急風腫閉不通先以米醋汨漱吐去涎痰

隨用薄荷荆芥桔梗甘草射干各等分水煎服。○治大

麻風及紫雲風用薄荷漆葉苦參胡麻仁荆芥穗生地

黃皂角刺刺蒺藜○治中風失音舌強瘰癧用薄荷搗

自然汁灌之立甦○治癰癤結核未破或破用薄荷二

觔取汁皂莢二挺水浸搗取汁同熬膏用青皮黑牽牛

半生半炒皂莢仁各一兩連翹五錢共爲末和入薄荷

皂莢汁膏內每早晚各服十茶匙白湯化服○又方用

薄荷、川貝母、荊芥穗、肥皂肉各一兩。斑蝥去頭翅八錢。每服六分。治瘰癧神效。○治血痢神方不止。用薄荷煎湯飲之。

○治一切面上諸病。用薄荷、防風、連翹、白附子、白芷、川芎、甘草、升麻各一錢、細辛五分。面上生瘡者。上焦火也。加黑山梔、黃芩。面紫黑者。陽明風痰也。加葛根、半夏。面生粉刺者。肺經鬱火也。加貝母、桔梗、桑皮、荊芥、苦參。面熱者。陽明經風熱也。加葛根、荊芥、黃連、黃芩、白芍藥、犀角屑。○治面上酒齁、紅紫、腫而有刺者。陽明經風熱有蟲也。用薄荷末三錢、半夏、硫黃、枯礬、雄黃、鉛粉各一錢。小麥麩二匙。水調敷患處。○治面上并鼻準有赤皰者。三

陽風毒內熾也。用薄荷末、蜜陀僧六錢，爲細末。臨臥以人乳調敷面上。次日洗去。三五次卽愈。○治面上生癬，或黑紫癰點，用薄荷、白附子、蜜陀僧、白芷、官粉各八錢，共爲細末，以白蘿蔔煎汁洗面，後用羊乳調成膏敷患處。早晨洗去。○治口瘡疼痛，或口舌腫大，或破裂俱屬三焦火盛，用薄荷、連翹、山梔、黃芩、生地黃、當歸、白芍藥各一錢，黃連、甘草各八分，燈心三十根，食鹽二分，水煎服。○治口舌生瘡，糜爛痛不可忍，用薄荷三錢，黃連、黃柏、細辛、炮薑各一錢，共爲細末。先用苦茶漱口，後將藥於患處，或吐或嚥不拘。

鬱金。味苦辛。性溫。無毒。氣味俱薄。陰也。降也。入酒亦能升。

入手少陰。足厥陰。足陽明經。

李時珍先生曰。鬱金山大。秦國及西戎。今蜀地。廣南江。西州郡亦有。不及蜀中者佳。四月生苗。莖葉類似藍黃。秋末復從莖心抽莖。黃花紅質。亦有白花紅質者。不結實。根如指頭。長寸許。體圓無枝。兩頭尖長。宛如嫩澆核也。剖之外黃。內赤。芳香可愛。修治取根下四畔子根。去浮皮用。○朱氏曰。鬱金無香而性輕揚。能致達逆氣于高遠。古人用治鬱遏不能升者。惡合者。因此也。浸水染衣。其鮮麗微有香氣。經久不變其色。或云形如棗核。兩頭尖圓。有橫紋如繩狀。者。是薑黃。非鬱金也。

○鬱金清氣化痰。散瘀血之藥也。其性輕揚。能散鬱滯。順

道氣。上達高竈。善行下焦。為心肺肝胃氣血火痰鬱遏

不行者。最驗。故治胸胃膈痛。兩脇脹滿。肚腹攻疼。飲食

不思等證。又治經脈逆行。吐血。衄血。唾血。血腥。此藥能

降氣氣降則火降而痰與血亦各循其所安之處而歸原矣。前人未達此理。乃謂止血生肌錯謬甚矣。凡病屬真陰虛極。火亢吐血。溢而上竅。而非氣分拂逆。肝氣不平者。不宜用也。如脹滿如臍逆如疼痛。關乎胃虛血虛者。亦不宜用也。即用之亦不効。

○集方治心胃作痛。因寒者。用鬱金。木香。莪朮。各等分。白湯磨服。○治婦人脇肋脹滿。因氣逆者。用鬱金。木香。莪朮。各等分。白湯磨服。○治肚腹攻疼。因血滯者。用鬱金。木香。莪朮。白湯磨服。○治胃氣不和。停痰停火。飲食不思。用鬱金。川黃連。木香。白芥子。紅麴。麥芽。茯苓。甘草。白朮。○治經脈不和。逆行于上。或吐血。衄血。用鬱

金。木香。烏藥。牡丹皮。玄胡索。白湯磨服。○治男婦失心
癲狂。用鬱金二枚。明礬泡湯磨服。此因驚憂痰血絡聚
心竅所致。鬱金入心去惡血。明礬化頑痰故也。○治蟲
毒中人。嶺南之處有之。于飲食行履法也。初覺腹中微
痛。次日刺人十日。則猪魚蛇蟲之蟲生在腹中也。凡覺
胸膈脹痛。卽用升麻煎汁。或膽礬泡湯吐之。若膈下痛
急。以米湯調鬱金末二錢服。卽瀉出惡物。或合升麻膽
礬同服。吐瀉並作。昔李巽巖爲雷州推官。鞫獄得此方。
活人甚多也。○治怒傷肝吐血。衄血。用鬱金當歸。牡丹
皮。生地黃。韭菜煎汁。調降香末服。○治痘疹始有血泡。
忽搖入腹。漸作紫黑色。無膿。日夜叫喊。用鬱金二枚。甘

草一錢。水一碗。煮乾。去甘草。切片。微火烘燥。爲末。入眞
冰片二分。每用一錢。以生豬尾血五七滴。和新汲水七
八匙調下。不過二服。其者毒氣從手足心出。如癰狀。乃
瘥。此乃九死一生之候也。

薑黃。味苦辛。性燥而溫。無毒。陰平陽也。降也。入足太陽厥

陰經。

陳氏曰。薑黃出西番。及海南。今江廣川蜀。亦有。根莖都類鬱金。其花春生。色紅白。與苗並出。即綴根際。入夏即爛。亦不生子。葉如紅蕉。色青綠。長一二尺。闊三四寸。上有斜文。枝莖堅硬。根盤圓扁而扁。似薑而小。色黃。有節。味苦臭重。為別異也。辨之鬱金。根形雖圓。無節。枝形狀如櫃子肉。兩頭頗尖。隱隱有直稜。黃赤。轉深。浸水煎。堪染色。若莖木色白。微青。亦無氣臭。蘇氏言。與薑黃種者。謬矣。○倪朱謨曰。薑黃色比鬱金。其黃形較鬱金稍大。鬱金味苦寒。色赤。形如綴斃。而圓尖。薑黃味辛溫。色黃似薑瓜。而圓大。鬱金最少。薑黃常多。今市家誰收多者。欺人。謂原本一物。惜大者為薑黃。小者為鬱金。謬誤極矣。近時有屬如乾薑形者。為片子薑黃。功用同等。治臂痛。更有効。

○薑黃破血氣。利筋脉之藥也。其味苦辛。其性燥利。辛能散。苦能泄。燥利能行。故日華子治癥瘕血塊。腹中停瘀。

善通月經。及跌撲瘀血。蘇氏治氣脹。及產後敗血攻心。
入氣分走氣入血分行血。古方同肉桂。枳殼治兩脇痛。
兩臂痛有效。何莫非下氣破血。辛走苦泄之功。歟。察其
氣味治療。乃介乎鬱金。京三稜之中也。但其性燥烈。消
耗有洩無補。凡病血虛。臂痛。血虛腹痛。而非瘀血凝滯。
氣逆壅脹者。切勿亂投。悞投則愈傷血分。令病轉劇。慎
之。慎之。

葉正華先生曰。其形似薑。其色純黃。故名。雖爲破血通
瘀專藥。土鬱者也。然功力固烈于鬱金。但鬱金泄金鬱。
薑黃奪土鬱。爲別異耳。

○集方治一切積血。在腹中作痛。用薑黃歸尾。牡丹皮。牛

滕。生地黄。玄胡索。肉桂。香附子。○治跌撲瘀血或痛或腫疼痛不已。用薑黃。蘇木。歸尾。紅花。大黃。乳香。沒藥。○治產後敗血攻心。胸脇脹滿。煩悶嘔惡。用薑黃。玄胡索。沒藥。硫黃。火硝。二味醋炙乾。各等分。共爲末。每服二錢。白湯化下。○治中寒心痛難忍。用薑黃一兩。肉桂二兩。共爲末。醋湯調服一錢。○治產後血痛有塊。用薑黃。肉桂。五靈脂。各等分。爲末。酒調方寸匕。血下盡卽愈。○治兩脇痛有血瘀氣滯者。用薑黃。柴胡。紅花。蘆薈。白芥子。各等分。○治臂痛有血瘀氣滯者。用薑黃。柴胡。桂枝。白朮。葳靈仙。白芷。甘草。各等分。

○治耳邊發腫連太陽腮齒俱痛不可忍用薑黃青木香
檳榔各三錢大黃一兩共爲細末米醋和蜂蜜調勻敷
患處中留一孔出氣